



杜詩分類卷之三

五言古

詩文類

夜聽許十一誦詩愛而有作

許十一當是居五臺山學佛者善於賦詩
故公愛之

許生五臺賓業白出石壁余亦師粲可身猶縛禪寂
何階子方便謬引爲匹敵離索晚相逢包蒙欣有擊
誦詩渾遊行四座皆辟易應手看捶釣清心聽鳴鏑
精微穿溟滓飛動摧霹靂陶謝不枝梧風騷共推激

紫鸞自起詣翠駮誰剪剔君意人莫知人間夜寥闕
贈蜀僧間丘師兄

蜀僧太常博士間丘均之孫

太師銅梁秀籍籍名家孫嗚呼先博士炳靈精氣奔
惟昔武皇后臨軒御乾坤多士盡儒冠墨客藹雲屯
當時上紫殿不獨卿相尊世傳間丘筆峻極餘崑崙
鳳藏丹青暮龍去白水渾青熒雪嶺東碑碣舊製存
斯文散都邑高價越璵璠况看作者意妙絕與誰論
吾祖詩冠古同年蒙主恩豫章夾日月歲久空深根
小子思疎濶豈能達詞門窮愁一暉淚相遇即諸昆

我往錦官城兄居祇樹園地近慰旅愁往來當丘樊
天涯歇滯雨粳稻臥不翻漂然薄遊倦始與道旅敦
景晏步脩廊而無車馬喧夜闌接軟語落月如金盆
漠漠世界黑驅驅爭奪繁唯有摩尼珠可照濁水源

寄李十二白二十韻 下排律附

按李白至德元年坐繫潯陽獄至德二載
以宋若思將兵赴河南道過潯陽釋囚辟
為參謀乾元元年長流夜郎此在長流之

後居秦州作

昔年有狂客號爾謫仙人筆落驚風雨詩成泣鬼神

聲名從此大汨沒一朝伸文彩承殊渥流傳必絕倫
龍舟移棹晚獸錦奪袍新白日來深殿青雲滿後塵
乞歸優詔許遇我宿心親未負幽棲志兼全寵辱身
劇談憐野逸嗜酒見天真醉舞梁園夜行歌泗水春
才高心不展道屈善無隣處士禰衡俊諸生原憲貧
稻粱求未足蕙苴謗何頻五嶺炎蒸地三危放逐臣
幾年遭鵬鳥獨泣向麒麟蘇武先還漢黃公豈事秦
楚筵辭醴日梁獄上書辰已用當時法誰將此義陳
老吟秋月下病起暮江濱莫怪恩波隔乘槎與問津

偶題

大曆元年在夔州作時吐蕃之亂未息

文章千古事得失寸心知作者皆殊列名聲豈浪垂
騷人嗟不見漢道盛於斯前輩飛騰入餘波綺麗爲
後賢兼舊例歷代各清規法自儒家有心從弱歲疲
永懷江左逸多病鄴中奇駉驥皆良馬麒麟帶好兒
車輪徒已斲堂構肯仍虧謾作潛夫論虛傳幼婦碑
緣情慰漂蕩抱病屢遷移濟世慙長策飛棲假一枝
塵沙傍蜂蠆江峽繞蛟螭蕭瑟唐虞遠聯翩楚漢危
聖朝更盜賊異俗更喧卑鬱鬱星辰劍蒼蒼雲雨池
兩都開幕府萬寓插軍麾南海殘銅柱東風避月支

音書恨烏鵲，號怒怪熊羆。稼穡分詩興，柴荆學土宜。
故山迷白閣，秋水憶黃陂。不敢要佳句，愁來賦別離。

書畫類

送顧八分文學適洪吉州

顧名試，奢洪州，今南昌府，吉州，今吉安府。皆隸江西。公在公安，嘗使顧書醉歌行於尉廨之壁，則是公與顧相遇於公安。今顧又適江西，故送以此詩。

中郎石經後，八分蓋憔悴。顧侯運鑪錘，筆力破餘地。
首在開元中，韓蔡同曩胤。玄宗妙其書，是以數子至。

御札早流傳，揄揚非造次。二人並入直，恩澤各不二。
顧於韓蔡內，辨眼工小字。分日示諸王，鈎深灑更秘。
文學與我遊，蕭疎外聲利。追隨二十載，浩蕩長安醉。
高歌卿相宅，文翰飛省寺。視我揚馬間，白首不相棄。
驂騑入窮巷，必脫黃金轡。一論朋友難，遲莫敢失墜。
古來事反覆，相見橫涕泗。嚮者玉珂人，誰是青雲器。
才盡傷形體，病渴污官位。故舊獨依然，危時話顛躓。
我甘多病老，子負憂世志。胡爲困衣食，顏色少稱遂。
遠作苦辛行，順從衆多意。舟楫無根蒂，蛟鼉好爲祟。
况兼水賊繁，特戒風飈駛。崩騰戎馬際，往往殺長吏。

子于東諸侯，勤勉防縱恣，邦以民爲本，魚饑費香餌，請哀瘡痍深，告訴皇華使，使臣精所擇，進德知歷試，惻隱誅求情，固應賢愚異，烈士惡苟得，俊傑思自致，贈子猛虎行，出郊載酸鼻。

殿中揚監見示張旭草書圖

唐志殿中省監一人，掌天子服飾之事。張旭，蘇州吳縣人，善草書而好飲，飲後號呼狂走，乃下筆，或以頭濡墨而書，既醒自視，以爲神，世號張顛。

斯人已云亡，草聖秘難得，及此煩見示，滿目一悽惻。悲風生微綃，萬里有古色，鏘鏘鳴玉動，落落羣松直，連山蟠其間，溟漲與筆力，有練實先書，臨池真盡黑，俊拔爲之主，暮年思轉極，未知張王後，誰並百代則，嗚呼東吳精，逸氣感清識，楊公拂篋笥，舒卷忘寢食，念昔揮毫端，不得觀酒德。

觀薛稷少保書畫壁

稷字嗣通，收之從姪也，好古博雅，貞觀永徽間，虞世南、褚遂良以書專家，後莫能繼，稷外祖魏徵當國，圖籍多藏，虞褚舊蹟，稷銳精模倣，遂以書名天下，畫又絕品，睿宗

在藩留意文學嘗喜之及踐祚特見擢用
授太子少保以附太平公主事坐知謀賜
死萬年獄

少保有古風得之陝郊篇惜哉功名忤但見書畫傳
我遊梓州東遺跡涪江邊畫藏青蓮界書入金榜懸
仰看垂露姿不崩亦不騫鬱鬱三大字蛟龍岌相纏
又揮西方變發地扶屋椽慘澹壁飛動到今色未填
此行疊壯觀郭薛俱才賢不知千載後誰復來通泉
通泉縣署屋壁後薛少保畫鶴

寶應元年十一月公在梓州通泉作

薛公十一鶴皆寫青田真畫色久欲畫蒼然猶出塵
低昂各有意磊落如長人佳此志氣遠豈惟粉墨新
萬里不以力羣遊森會神威遲白鳳態非是倉庚隣
高堂未傾覆幸得慰佳賓曝露墻壁外終嗟風雨頻
赤霄真有骨耻飲涇池津冥冥任所往脫畧誰能馴
楊監又出畫鷹十二扇

題云又出則是與前殿中楊監見示張旭
草書圖同一時作

近時馮紹正能畫鷲鳥樣明公出此圖無乃傳其狀
殊姿各獨立清絕心有向疾禁千里馬氣敵萬人將

憶昔驪山宮，冬移含元仗。天寒大羽獵，此物神俱王。
當時無凡材，百中皆用壯。粉墨形似間，識者一惆悵。
干戈少暇日，真骨老崖嶂。爲君除狡兔，會是翻講上。

寄張十二山人彪三十韻

乾元二年公在秦州作

獨臥嵩陽客，三遺潁水春。艱難隨老母，慘澹向時人。
謝氏尋山屐，陶公漉酒巾。羣兒彌宇宙，此物在風塵。
歷下辭姜被，關西得孟隣。早通交契密，晚接道流新。
靜者心多妙，先生藝絕倫。草書何太苦，詩興不無神。
曹植休前輩，張芝更後身。數篇吟可老，一字買堪貧。

將恐曾防寇，深潛托所親。寧聞倚門夕，盡力潔餐晨。
疎懶爲名誤，驅馳喪我真。索居猶寂寞，相遇益愁辛。
流轉依邊徼，逢迎念席珍。時來故舊少，亂後別離頻。
世祖脩高廟，文公賞從臣。商山猶入楚，渭水不離秦。
存想青龍秘，騎行白鹿馴。耕巖非谷口，結草在河濱。
肘後符應驗，囊中藥未陳。旅懷殊不愜，良覲眇無因。
自古皆悲恨，浮生有屈伸。此邦今尚武，何處且依仁。
鼓角凌天籟，關山倚月輪。官場羅鎮磧，賊火遁洮岷。
蕭瑟論兵地，蒼茫鬪將辰。大寧多處所，餘業尚紛綸。
高興知籠鳥，斯文起獲麟。窮秋正搖落，迴首望松筠。

奉觀嚴鄭公廳事岷山沱江畫圖十韻

得忘字

廣德二年作

沱水臨中座，岷山到北堂。白波吹粉壁，青嶂插雕梁。
直訝杉松冷，兼疑菱荇香。雪雲虛點綴，沙草得微茫。
嶺鴈隨毫末，川蜺飲練光。霏紅洲藥亂，拂黛石蘿長。
暗谷非關雨，丹楓不為霜。秋成玄圃外，景物洞庭傍。
繪事功殊絕，幽襟興激昂。從來謝太傅，丘壑道難忘。

七言古

書畫類

丹青引贈曹將軍霸

將軍魏武之子孫，於今為庶為清門。英雄割據雖已
矣，文彩風流今尚存。學書初學衛夫人，但恨無過王
右軍。丹青不知老將至，富貴於我如浮雲。開元之中
常引見，承恩數上南薰殿。凌煙功臣少顏色，將軍下
筆開生面。良相頭上進賢冠，猛將腰間大羽箭。褒公
鄂公毛髮動，英姿颯爽來酣戰。先帝天馬玉花驄，畫
工如山貌不同。是日牽來赤墀下，迥立閭闔生長風。
詔謂將軍拂絹素，意匠慘淡經營中。斯須九重真龍
出一洗，萬古凡馬空。玉花却在御榻上，榻上庭前屹
相向。至尊含笑催賜金，圍人太僕皆惆悵。弟子韓幹

早入室亦能畫馬窮殊相幹惟畫肉不畫骨忍使驂
騮氣凋喪將軍畫善蓋有神必逢佳士亦寫真卽今
漂泊干戈際屢貌尋常行路人途窮反遭俗眼白世
上未有如公貧但看古來盛名下終日坎壈纏其身
常諷錄事宅觀曹將軍畫馬圖引

諷成都府人爲閬州錄事曹將軍名霸廣
德二年再到成都作

國初已來畫鞍馬神妙獨數江都王將軍得名三十
載人間又有真乘黃曾貌先帝照夜白龍池十日飛
霹靂內府殷紅碼碯盤婕妤傳詔才人索盃賜將軍

拜舞歸輕紈細綺相追隨貴戚權門得筆跡始覺屏
障生光輝昔日太宗拳毛騮近時郭家師子花今之
新圖有二馬復令識者又嘆嗟此皆騎戰一敵萬縞
素漠漠開風沙其餘七匹亦殊絕迥若寒空動煙雪
霜蹄蹴踏長楸間馬官廐養森成列可憐九馬爭神
駿顧視清高氣深穩借問苦心愛者誰後有常諷前
支遁憶昔巡幸新豐宮翠華拂天來向東騰驤磊落
三萬匹皆與此圖筋骨同自從獻寶朝河宗無復射
蛟江水中君不見金粟堆前松柏裏龍媒去盡鳥呼
風

五言古

器物類

石硯

永泰元年平侍御奉使至于峽中故得此硯

平公今詩伯秀發吾所羨奉使三峽中長嘯得石硯
巨璞禹鑿餘異狀君獨見其滑乃波濤其光或雷電
聯坳各盡墨多水遞隱見揮洒容數人十手可對面
比公頭上冠正質未為賤當公賦佳句况得終清宴
公舍起草姿不遠明光殿致于丹青地知汝隨顧盼

檉拂子

檉拂子以檉櫚皮為帚短柄所以習靜指
揮驅逐飛蟲者

檉拂且薄陋豈知身效能不堪代白羽有足除蒼蠅
熒熒金錯刀濯濯朱絲繩非獨顏色好亦用顧盼稱
吾老抱疾病家貧臥炎蒸咄膚倦撲滅賴爾甘服膺
物微世競棄義在誰肯徵三歲清秋至未敢闕緘滕

七言古

器物類

夜間簾策

簾篋笳管卷蘆葉爲頭截竹爲管胡地之樂其聲甚悲唐編入鹵簿

夜聞簾篋滄江上衰年側耳情所嚮鄰舟一聽多感傷寒曲三聲歛悲壯積雪飛霜此夜寒孤燈急管復風湍君知天地干戈滿不見江湖行路難

桃竹杖引

贈章留後

桃竹生江心蟠石上竹性皆空此竹獨實如木其葉如椶櫚身如竹節密而實犀理瘦骨蓋天成竹杖也在今四川潼川州

江心蟠石生桃竹蒼波噴浸尺度足斬根削皮如紫玉江妃水仙惜不得梓潼使君開一束滿堂賓客皆歎息憐我老病贈兩莖出入爪甲鏗有聲老夫復欲東南征乘濤鼓枻白帝城路幽必與鬼神奪杖劍或與蛟龍爭重爲告曰杖兮杖兮爾之生也甚正直慎勿見水學變化爲龍使我不得爾之扶持滅跡於君山湖上之青峯噫風塵瀕洞兮豺虎咬人忽失雙杖今吾將曷從

五言古

品食類

槐葉冷淘

大曆二年作

青青高槐葉，采掇付中厨。新麵未近市，汁滓宛相俱。
入鼎資過熟，加餐愁欲無。碧鮮俱照筯，香飯兼苞蘆。
經齒冷於雪，勸人投比珠。願隨金腰裏，走置錦屠蘇。
路遠思恐泥，興深終不渝。獻芹則小小，薦藻明區區。
萬里露寒殿，開水清玉壺。君王納涼晚，此味亦時須。

種蒿苳

既雨已秋堂，下理小畦隔。種一兩席許，蒿苳向二旬矣。而苳不甲，坼獨野。苳青青，傷時君子，或晚得微祿，輒軻不進，作此。

堂卽客堂也。枯旱指大曆二年自三月不雨，至於六月，當是其時。

陰陽一錯亂，驕蹇不復理。枯旱於其中，炎方慘如燬。
植物半蹉跎，嘉生將已矣。雲雷歛奔命，師伯集所使。
指麾赤白日，頽洞青光起。雨聲先已風，散足盡西靡。
山泉落滄江，霹靂猶在耳。終朝紆颯沓，信宿罷瀟灑。
堂下可以畦，呼童對經始。苳兮蔬之常，隨事藝其子。
破塊數席間，荷鋤功易止。兩旬不甲坼，空惜埋泥滓。
野苳迷汝來，宗生實於此。此輩豈無秋，亦蒙寒露委。
翻然出地速，滋蔓戶庭毀。因知邪干正，掩抑至沒齒。

賢良雖得祿，守道不對已。擁塞敗芝蘭，衆多盛荆杞。
中園陷蕭艾，老圃永爲恥。登于白玉盤，藉以如霞綺。
竟也無所施，胡顏入筐篚。

園官送菜

并序

園官送菜把本數日闕矧苦苣馬齒掩乎
嘉蔬傷小人妬害君子菜不足道也比而

作詩

大曆二年公在夔州太守遣園官送菜園
官反送苦苣而闕於嘉蔬公傷小人之害
君子亦以傷時而因以自傷也

清晨蒙菜把常荷地主恩守者愆實數畧有其名存
苦苣刺如針馬齒葉亦繁青青嘉蔬色埋沒在中園
園吏未足怪世事固堪論嗚呼戰伐久荆棘暗長原
乃知苦苣輩傾奪蕙草根小人塞道路爲態何喧喧
又如馬齒盛氣擁葵荏昏點染不易虞絲麻雜羅紈
一經器物內永掛麓刺痕志士採紫芝放譌避戎軒
畦丁負籠至感動百慮端

暇日小園散病將種秋菜督勤耕牛兼書觸

目

公園圃在灤西此詩是大曆二年在灤西

作非東屯也

不愛入州府，畏人嫌我真。及乎歸茅宇，旁舍未曾嗔。
老病忌拘束，應接喪精神。江村意自放，林木心自欣。
秋耕屬地濕，山雨近甚勻。冬菁飯之半，牛力晚來新。
深耕種數畝，未甚後四隣。嘉蔬既不一，名數頗具陳。
荆巫非苦寒，采擷接青春。飛來兩白鶴，暮啄泥中芹。
雄者左翮垂，損傷已露筋。一步再流血，尚經矰繳勤。
三步六號叫，志屈悲哀頻。鸞皇不相待，側頸訴高旻。
杖藜俯沙渚，爲汝鼻酸辛。

驅豎子摘蒼耳

大曆二年秋在赤甲山之瀼西作

江上秋已分，林中瘴猶劇。畦丁告勞苦，無以供日夕。
蓬莠猶不焦，野蔬暗泉石。卷耳况療風，童兒且時摘。
侵晨驅之去，爛熳任遠適。放筐亭午際，洗剝相蒙羃。
登床半生熟，下筯還小益。加點瓜薤間，依稀橘奴跡。
亂世誅求急，黎民糠粃窄。飽食復何心，荒哉膏粱客。
富家厨肉臭，戰地骸骨白。寄語惡少年，黃金且休擲。

七言古

品食類

又觀打魚

寶應元年秋公送嚴武至綿州作觀打魚歌又作此詩故題云又觀打魚

蒼江漁子清晨集設網提網萬魚急能者操舟疾若風撐突波濤挺义入小魚脫漏不可紀半死半生猶戢戢大魚傷損皆垂頭屈強泥沙有時立東津觀魚已再來主人罷繪還傾杯日暮蛟龍改窟穴山根鱸鮪隨雲雷于戈兵車鬪未已鳳凰麒麟安在哉吾徒胡爲縱此樂暴殄天物聖所哀

五言古

動植類

杜鵑

杜鵑鳥名大如鵲聲甚哀而吻有血春至則鳴聞其初聲者則有離別之苦人皆惡聞之惟田家候其聲以興農事自呼謝豹思歸樂其音不如歸去一名杜宇一名杜主一名子規一名謝豹又按寰宇記蜀之先肇於人皇至黃帝子昌意娶蜀人女生帝嚳後封其支庶於蜀歷夏殷周始稱王者因名蠶叢次曰伯灌次曰魚鳧其後有王曰杜宇宇稱帝號望帝自恃功德高乃

以褒斜爲前門熊耳靈關爲後戶玉壘峨眉爲北澤時有荆人鼈靈其屍隨水而上荆人求之不可得鼈靈至汶山下忽復見望帝帝立以爲相望帝自以其德不如鼈靈因禪位於靈號開明遂自亡去化爲杜鵑故蜀人聞杜鵑鳴曰是我望帝也

西川有杜鵑東川無杜鵑涪南無杜鵑雲安有杜鵑我昔遊錦城結廬錦水邊有竹一頃餘喬木上參天杜鵑暮春至哀哀叫其間我見常再拜重是古帝鬼生子百鳥巢百鳥不敢嗔仍爲餒其子禮若奉至尊

鴻鴈及羔羊有禮太古前行飛與跪乳識序又知恩聖賢吾法則付之後世傳君看禽鳥情猶解事杜鵑今忽暮春間值我病經年身病不能拜淚下如湧泉

鳳凰臺

在今陝西鞏昌府成縣鳳凰山上漢時嘗有鳳棲於此因名天寶末公爲華州司功屬關輔饑亂乃棄官之秦州寓居成州同谷縣負薪採橡栗以自給不盈月乃入蜀亭亭鳳凰臺北對西康州西伯今寂寞鳳聲亦悠悠山峻路絕蹤石林氣高浮安得萬丈梯爲君上上頭

恐有無母雛，饑寒日啾啾。我能剖心血，飲啄慰孤愁。
心以當竹實，炯然忘外求。血以當醴泉，豈徒比清流。
所重王者瑞，敢辭微命休。坐看彩翮長，舉意八極周。
自天銜瑞圖，飛下十二樓。圖以奉至尊，鳳以垂鴻猷。
再光中興業，一洗蒼生憂。深衷正爲此，羣盜何淹留。

催崇文樹雞柵

大曆元年暮春自雲安遷居夔州作

吾衰怯行邁，旅次展崩迫。愈風傳烏鷄，秋卯方漫喫。
自春生成者，隨母向百翮。驅趨製不禁，喧呼山腰宅。
課奴殺青竹，終日憎赤幘。踏藉盤案翻，塞蹊使之隔。

墻東有隙地，可以樹高柵。避熱時來歸，問兒所爲迹。
織籠置其內，令人不得擲。稀間可突過，背爪還汚席。
我寬螻蟻遭，彼免狐狸厄。應宜各長紉，自此均勅敵。
籠柵念有脩，近身見損益。明明領處分，一一當剖析。
不昧風雨晨，亂離減憂感。其流則凡鳥，其氣心匪石。
倚賴窮歲晏，撥煩去冰釋。未似祝尸翁，拘留蓋阡陌。

遣興二首

乾元二年在秦州作

天用莫如龍，有時繫扶桑。頓轡海徒涌，神人身更長。
性命苟不存，英雄徒自強。吞聲勿使道，真宰意茫茫。

其二

地用莫如馬無良復誰記此日千里鳴追風可君意
君看渥洼種態與駑駘異不雜蹄齧間逍遙有能事

江頭五咏

此列其二

丁香

丁香體柔弱亂結枝猶墊細葉帶浮毛疎花披素艷
深栽小齋後庶近幽人占晚隊蘭麝中休懷粉身念

麗春

麗春罌粟別種

百草競春華麗春應最勝少須好顏色多漫枝條剩
紛紛桃李枝處處忽能移如何貴此重却怕有人知

除草

公自註藜也藜蜀中多有之一名山韭毛
芒可畏觸之如蜂蠆葉皆紫者可愈風疾

草有害於人曾何生阻脩其毒甚蜂蠆其多彌道周
清晨步前林江色未散憂芒刺在我眼焉能待高秋
雪霜一霑凝蕙葉亦難留荷鋤先童稚日入仍討求
轉致水中央豈無雙釣舟頑根易滋蔓敢使依林丘
自茲藩籬曠更覺松竹幽芟夷不可闕疾惡信如讐

四松

公以寶應元年去成都遊綿梓間廣德二

年春再歸成都恰三年矣草堂詩亦有人
門四松在之句此詩當是其年作

四松初移時大抵三尺強別來忽三歲離立如人長
會看根不拔莫計枝凋傷幽色幸秀發疎柯亦昂藏
所插小藩籬本亦有隄防終然振撥損得愧千葉黃
敢爲故林王黎庶猶未康避賊今始歸春草滿空堂
覽物嘆衰謝及茲慰淒涼清風爲我起灑面若微霜
足以送老姿聊待偃蓋張我生無根蒂配爾亦茫茫
有情且賦詩事迹兩可忘勿矜千載後慘澹蟠穹蒼

病栢

有栢生崇岡童童狀車蓋偃蹇龍虎姿正當風雲會
神明依正直故老多再拜豈知千年根中路顏色壞
出非不得地蟠據亦高大歲寒忽無憑日夜柯葉改
丹鳳領九雛哀鳴翔其外鳴鸚志氣滿養子穿穴內
客從何鄉來竚立又吁怪靜求元精理浩蕩難倚賴

病橘

上元二年公在成都憫時而作

羣橘少生意雖多亦奚爲惜哉結實小酸澁如棠梨
剖之盡蠹蟲米掇爽其宜紛然不適口豈止存其皮
蕭蕭半死葉未忍別故枝玄冬霜雪積况乃迴風吹

嘗聞蓬萊殿羅列瀟湘姿此物歲不稔王食失光輝
寇盜尚憑陵當君減膳時汝病是天意吾諗罪有司
憶昔南海使奔騰獻荔枝百馬死山谷至今耆舊悲

枯櫻

櫻欄木各有葉無枝

蜀間多櫻欄高者十八九其皮割剝甚雖眾亦易朽
徒布如雲葉青青歲寒後交橫集斧斤凋喪先蒲柳
傷時苦軍乏一物官盡取嗟爾江漢人生成復何有
有同枯櫻木使我沉嘆久死者即已休生者何自守
啾啾黃雀啁側元寒蓬走念爾形影乾摧殘沒藜莠

枯栴

栴與楠同梗栴皆美木葉如牛耳子似杏
而酸不可食赤色者堅白色者脆蜀中多
有之

梗栴枯崢嶸鄉黨皆莫記不知幾百歲慘慘無生意
上枝摩皇天下根蟠厚地巨圍雷霆折萬孔蟲蟻萃
凍雨落流膠衝風奪佳氣白鵠遂不來天鷄為愁思
猶含梁棟具無復霄漢志良工古昔少識者出涕淚
種榆水中央成長何容易截承金露盤裊裊不自畏

七言古

動植類

杜鵑

古時杜鵑稱望帝魂作杜鵑何微細跳枝窺葉樹木
中搶伴腎捩雌隨雄毛衣黧黑貌憔悴衆鳥安肯相
尊崇隳形不敢棲萃屋短翮唯願巢深叢穿皮啄朽
齧欲禿苦饑始得食一蟲誰言養雛不自哺此語亦
足爲愚蒙聲音咽咽如有謂號啼畧與嬰兒同口乾
垂血轉迫促似欲上訴於蒼穹蜀人聞之皆起立至
今數學傳遺風迺知變化不可窮豈思昔日居深宮
嬪嬙左右如花紅

王兵馬使二角鷹

大曆初朝廷嘗以王昶代衛伯玉荆南節
度使此王兵馬必是昶也

悲臺蕭瑟石龍從哀壑杈枒浩呼洶中有萬里之長
江迴風陷日孤光動角鷹翻倒壯士臂將軍玉帳軒
勇氣二鷹猛腦條徐墜日如愁胡視天地杉鷄竹兔
不自惜孩虎野羊俱辟易講上鋒稜十二翮將軍勇
銳與之敵將軍樹勳起安西崑崙虞泉入馬蹄白羽
曹肉三狡狴敢決豈不與之齊荆南芮公得將軍亦
如角鷹下翔雲惡鳥飛飛啄金屋安得爾輩開其羣

驅出六合梟鸞分

歎庭前甘菊花

天寶十三載公在長安作

簷前甘菊移時晚青藥重陽不堪摘明日蕭條盡醉
醒殘花爛熳開何益籬邊野外多衆芳采擷細瑣升
中堂念茲空長大枝葉結根失所纏風霜

風雨看舟前落花戲爲新句

公在潭只舟居大曆五年作

江上人家桃李枝春寒細雨出疎籬影遭碧水潛勾
引風妬紅花却倒吹吹花困顛傍舟楫水光風力俱

相怯赤憎輕薄遮人懷珍重分明不來接濕久飛遲
半欲高縈沙惹草細於毛蜜蜂蝴蝶生情性偷眼睛
蜓避百勞

五言古

寄贈類

寄薛三郎中璵

大曆二年作

人生無賢愚飄飄若埃塵自非得神仙誰免危其身
與子俱白頭役役常苦辛雖爲尚書郎不及村野人
憶昔村野人其樂難具陳藹藹桑麻交公侯爲等倫

天未厭戎馬我輩本常貧子尚客荊州我亦滯江濱
峽中一臥病瘡癘終冬春春復加肺氣此病蓋有因
早歲與蘇鄭痛飲情相親二公化爲土嗜酒不失真
予今委脩短豈得恨命屯聞子心甚壯所過信席珍
上馬不用扶每扶必怒嗔賦詩賓客間揮灑動八垠
乃知蓋代手才力老益神青草洞庭湖東浮滄海濬
君山可避暑况足采白蘋子豈無扁舟往復江漢津
我未下瞿塘空念禹功勤聽說松門峽吐藥攬衣巾
高秋却束帶鼓枻視清旻鳳池日澄碧濟濟多士新
余病不能起健者勿逡巡上有明哲君下有行化臣

蘇大侍御訪江浦八韻記異

蘇大侍御渙靜者也旅於江側凡是不交
州府之客人事都絕久矣肩輿江浦忽訪
老夫舟楫而已茶酒內余請誦近詩肯吟
數首才力素壯詞句動人接對明日憶其
湧思雷出書篋几杖之外殷殷留金石聲
賦八韻記異亦記老夫傾倒於蘇至矣

龐公不浪出蘇氏今有之再聞誦新作突過黃初詩
乾坤幾反覆揚馬宜同時今晨清鏡中勝食齊房芝
余髮喜却變白間生黑絲昨夜舟天接湘娥簾外悲

木言分數 卷之三 三
百靈未敢散風破寒江遲

鄭典設自施州歸

唐六典典設局典設四人從六品掌太子
湯沐灑掃鋪陳之事

吾憐滎陽秀冒暑初有適名賢慎出處不肯妄行役
旅茲殊俗遠竟以屢空迫南謁裴施州氣合無險僻
攀援懸根木登嶺入矢石青山自一川城郭洗憂感
聽子話此邦令我心悅懌其俗則純朴不知有王客
溫溫諸侯門禮亦如古昔勅厨倍常羞盃盤頗狼籍
時雖屬喪亂事貴賞匹敵中宵愜良會裴鄭非遠戚

羣書一萬卷博涉供務隙他日辱銀鈎森竦見矛戟
倒屣喜旋歸畫地來所歷乃開風土質又重田疇闢
刺史借寇恂列郡宜競惜北風吹瘴癘羸老思散策
渚拂蒹葭寒嶠穿蘿萋幕此身仗兒僕高興潛有激
孟冬方首路強飯取崖壁嘆爾疲駑駘汗溝血不赤
終然備外飾駕馭何所益我有平肩輿前途猶準的
翩翩入鳥道庶免蹉跌厄

奉贈射洪李四丈

射洪縣名今隸四川潼川州

丈人屋上烏人好烏亦好人生意氣豁不在相逢早

南京亂初定所向色枯稿遊子無根株茅齋付秋草
東征下月峽挂席窮海島萬里須十金妻孥未相保
蒼茫風塵際蹭蹬騏驎老志士懷感傷心胸已傾倒

奉酬薛十二丈判官見贈

大曆三年秋吐蕃寇邠靈州京師戒嚴在

東屯作

忽忽峽中睡悲風方一醒西來有好鳥爲我下青宴
羽毛淨白雪慘淡飛雲汀旣蒙主人顧舉翮唳孤亭
持以比佳士及此慰揚舲清文動哀玉見道發新劄
欲學鷗夷子待勒燕山銘誰重斷蛇劍致君君未聽

志在麒麟閣無心雲母屏卓氏近新寡豪家朱門扃
相如才調逸銀漢會雙星客來洗粉黛日暮拾流螢
不是無膏火勸郎勤六經老夫自汲澗野水日泠泠
我嘆黑頭白君看銀印青臥病識山鬼爲農知地形
誰矜坐錦帳苦厭食魚腥東南兩岸坼橫水注滄溟
碧色忽惆悵風雷搜百靈空中右白虎赤節引娉婷
自云帝里女嚶雨鳳凰翎襄王薄行跡莫學冷如丁
千秋一拭淚夢覺有微馨人生相感動金石兩青熒
丈人但安坐休辨渭與涇龍蛇尚格鬪灑血暗郊坰
吾聞聰明主治國用輕刑銷兵鑄農器今古歲方寧

文王日儉德俊又始盈庭榮華貴少壯豈食楚江萍
貽華陽柳少府

華陽縣名四川成都府附郭少府官名今
之典史

繫馬喬木間問人野寺門柳侯披衣笑見我顏色溫
並坐石堂下俛視大江奔火雲洗月露絕壁上朝暾
自非曉相訪觸熱生病根南方六七月出入異中原
老少多暍死汗渝水漿翻俊才得之子筋力不辭煩
指揮當世事語及戎馬存涕淚濺我裳悲氣排帝閭
鬱陶抱長策義仗知者論吾衰臥江漢但愧識與璠
文章一小伎於道未爲尊起予幸斑白因是託子孫
俱客古信州結廬依毀垣相去四五里徑微山葉繁
時危挹佳士况免軍旅喧醉從趙女舞歌鼓秦人盆
子壯顧我傷我懽兼淚痕餘生如過鳥故里今空村

贈鄭十八賁

大曆元年雲安作

溫溫士君子令我懷抱盡靈芝冠衆芳安得闕親近
遭亂意不歸窳身跡非隱細人尚姑息吾子色愈謹
高懷見物理識者安肯哂卑飛欲何待捷徑應未忍
示我百篇文詩家一標準羈離交屈宋牢落值顏閔

水陸迷畏途藥餌駐脩軫故人日已遠青史字不泯
步趾詠唐虞追隨飯葵菹數盃資好事異味煩縣尹
心雖在朝謁力與願矛盾抱病排金門衰容肯為敏

贈衛八處士

按唐史拾遺杜公與李白高適衛賓相友善時賓年最少號為小友天寶九載自東

都復歸長安時作

人生不相見動如參與商今夕復何夕共此燈燭光
少壯能幾時鬢髮各已蒼訪舊半為鬼驚呼熱中腸
焉知二十載重上君子堂昔別君未婚兒女忽成行

怡然敬父執問我來何方問答未及已兒女羅酒漿
夜雨剪春韭新炊間黃粱主稱會面難一舉累十觴
十觴亦不醉感子故意長明日隔山岳世事兩茫茫

贈蘇四後

大曆四年蘇後自蜀赴湖南

異縣昔同遊各云厭轉蓬別離已五年尚在行李中
戎馬日衰息乘輿安九重有才何棲棲將老委所窮
為郎未為賤其柰疾病攻子何面黧黑焉得豁心胷
巴蜀倦剽劫下愚成工風幽薊已削平荒徼尚彎弓
斯人脫身來豈非吾道東乾坤雖寬大所適裝囊空

肉食晒菜色少壯欺老翁况乃主客間古來偏側同
君今下荆揚獨帆如飛鴻二州豪俠場人馬皆自雄
一請甘饑寒再請甘養蒙

贈李白

時李侯游梁宋間

二年客東都所歷厭機巧野人對羶腥蔬食常不飽
豈無青精飯使我顏色好苦乏大藥資山林跡如掃
李侯金闥彥脫身事幽討亦有梁宋游方期拾瑤草

戲贈鄭廣文虔兼呈蘇司業源明

天寶十三載召蘇源明爲國子司業安祿

山陷京師源明不受僞署肅宗復兩京擢
爲考功郎十四載虔以受僞署竄歸免官
廣文到官舍繫馬堂階下醉卽騎馬歸頗遭官長罵
才名三十年坐客寒無羶近有蘇司業時時與酒錢
戲贈二友

焦校書意是焦遂與李白號爲酒八仙王
司直卽前詩有短歌行贈王郎司直二人
與公素相厚善元年建巳之月玄宗升遐
其年公在成都焦校書王司直皆會於此
元年建巳月郎有焦校書自誇足膂力能騎生馬駒

一朝被馬踏唇裂板齒無壯心不肯已欲得東擒胡
其二

元年建巳月官有王司直馬驚折左臂骨折面如墨
駑駘漫染泥何不避雨色勸君休歎恨未必不爲福

上常左相二十韻

下排律附

常見素襲父爵從明皇入蜀拜左相此詩
乃天寶十三載公在長安作按史是年見
素止任同中書門下平章事未爲左相今
題曰左相乃後來編寫之誤或追補之歟
鳳曆軒轅紀龍飛四十春八荒開壽域一氣轉洪鈞

霖雨思賢佐丹青憶老臣應圖求駿馬驚代得麒麟
沙汰江河濁調和鼎鼐新常賢初相漢范叔已歸秦
盛業今如此傳經固絕倫豫樟深出地滄海濶無津
北斗司喉舌東方領縉紳持衡留藻鑑聽履上星辰
獨步才超古餘波德照隣聰明過管輅尺牘倒陳遵
豈是池中物由來席上珍廟堂知至理風俗盡還淳
才傑俱登用愚蒙但隱淪長卿多病久子夏索居貧
回首驅流俗生涯似衆人巫咸不可問鄒魯莫容身
感激時將晚蒼茫興有神爲公歌此曲涕淚在衣巾
寄李十四員外布十二韻

李布新除司議郎萬州別駕雖尚伏枕聞
已理裝此詩廣德二年夏作於草堂

名叅漢望苑職述景題輿巫峽將之郡荆門好附書
遠行無自苦內熱比何如正是炎天濶那堪野館踈
黃牛平駕浪畫鷁上凌虛試待盤渦歇方期解纜初
悶能過小徑自爲摘嘉蔬渚柳元幽僻村花不掃除
宿陰繁素柰過雨亂紅蕖寂寂夏先晚泠泠風有餘
江清心可瑩竹冷髮堪梳直作移巾几秋帆發弊廬

寄董卿嘉榮十韻

廣德二年春自閬州歸成都時作

聞道君牙帳防秋近赤霄下臨千雪嶺却背五繩橋
海內久戎服京師今晏朝犬羊曾爛熳宮闕尚蕭條
猛將宜管膽龍泉必在腰黃圖遭污辱月窟可焚燒
會取干戈利無令斥堠驕居然雙捕虜自是一嫖姚
落日思輕騎秋天憶射鵬雲臺畫形像皆爲掃氛妖
移居公安敬贈衛大郎

大曆三年秋移居公安作

衛侯不易得余病汝知之雅量涵高遠清襟照等夷
平生感意氣少小愛文辭河海由來合風雲若有期
形容勞宇宙質朴謝軒墀自古幽人泣流年壯士悲

水煙通徑草秋露接園葵入邑豺狼鬪傷弓鳥雀饑
白頭供宴語烏几伴棲遲交態遭輕薄今朝豁所思
奉寄河南常尹丈人

公故廬在河南偃師縣承常公頻有訪問
故有是詩按舊史常濟乃嗣立之子天寶
七年爲河南尹遷尚書左丞

有客傳河尹逢人問孔融青囊仍隱逸章甫尚西東
鼎食爲門戶詞場繼國風尊榮瞻地絕踈放憶途窮
濁酒尋陶令丹砂訪葛洪江湖漂襖褐霜雪滿飛蓬
牢落乾坤大周流道術空謬慙知薊子真怯笑揚雄

盤錯神明懼謳歌德義豐尸鄉餘土室難說祝鷄翁
弊廬遣興奉寄嚴公

嚴武節制成都公在草堂

野水平橋路春沙映竹村風清粉蝶喜花煖蜜蜂喧
把酒宜深酌題詩好細論府中瞻暇日江上憶詞源
跡忝朝廷舊情依節制尊還思長者轍恐避席爲門
奉畱贈集賢院崔子二學士

唐百官志集賢殿書院學士掌刊緝經籍
凡圖書遺逸賢才隱滯則承旨以求之時
杜公獻三大禮賦玄宗寵之命集賢院試

文章崔國輔于休烈乃試官也玄宗世隆
恩澤二公之力也

昭代將垂白窮途乃叫閤氣衝星象表詞感帝王尊
天老書題目春官驗討論倚風遺鷓路隨水到龍門
竟與蛟螭雜寧無鸞雀喧青雲猶契澗陵厲不飛翻
儒術誠難起家聲庶已存故山多藥物勝槩憶桃源
欲整還鄉旆長懷禁掖垣謬稱三賦在難述二公恩
奉贈常左丞丈二十二韻

前漢成帝置尚書丞四人後漢世祖改尚
書左右丞各一人食四百石掌錄文書

會唐玄宗時常濟為左丞天寶六載詔天
下有一藝者赴轂下公時應詔會李林甫
為相恐士或斥已請委尚書省試問遂無
一中程式者公由是遂退下故贈此詩當
是天寶七載也

紈袴不餓死儒冠多誤身丈人試靜聽賤子請具陳
甫昔少年日早充觀國賓讀書破萬卷下筆如有神
賦料揚雄敵詩看子建親李邕求識面王翰願卜隣
自謂頗挺出立登要路津致君堯舜上再使風俗淳
此意竟蕭條行歌非隱淪騎驢三十載旅食京華春

此詩不用左字
正のり文而不失
温李詩厚之義

王濟

朝叩富兒門。暮隨肥馬塵。殘盃與冷炙。到處潛悲辛。
主上頃見徵。歘然欲求伸。青冥却垂翅。蹭蹬無縱鱗。
甚媿丈人厚。甚知丈人真。每於百寮上。猥誦佳句新。
竊效貢公喜。難甘原憲貧。焉能心怏怏。祇是走踈踈。
今欲東入海。卽將西去秦。尚憐終南山。回首清渭濱。
常擬報一飯。况懷辭大臣。白鷗波浩蕩。萬里誰能馴。

贈常左丞丈濟

常濟卽前篇左丞丈濟兄洎亦爲給事中
時已亡矣

左轄頻虛位。今年得舊儒。相門常氏在。經術漢臣須。

時議歸前列。天倫恨莫俱。鴿原荒宿草。鳳詔接亨衢。
有客雖安命。衰容豈壯夫。家人憂几杖。甲子混泥途。
不謂矜餘力。還來謁大巫。歲寒仍顧遇。日暮且踟蹰。
老驥思千里。饑鷹待一呼。君能微感激。亦足慰榛蕪。
遣悶奉呈嚴公二十韻

嚴武在蜀對客多騁筆。札公醉曰不識嚴。
挺之有此兒。武怒甫徐曰我乃杜審言孫。
擬捋虎鬚耳。合坐大笑。彌縫之。武曰與公
等言何至上及祖考深銜之。公歸草堂遂
有此詩分註。謂公與嚴公後同賦詩尚多。

至死公尤惓惓必無此事以愚觀之盖由
嚴奉母命杜亦悔過故外合而中離耳杜
見嚴武故杜益重惜而深悼之也

白水魚竿客清秋鶴髮翁胡爲來幕下祗合在舟中
黃卷眞如律青袍也自公老妻憂坐痺幼女問頭風
平地專欵倒分曹失異同禮甘衰力就義忝上官通
疇昔論詩早光輝仗鉞雄寬容存性拙剪拂念途窮
露裊思藤架煙霏想桂叢信然龜觸網直作鳥窺籠
西嶺紆村北江南繞舍東竹皮寒舊翠椒實雨新紅
浪簌船應折杯乾甕卽空藩籬生野徑斤斧任樵童

束縛酬知己蹉跎效小忠周防期稍稍太簡遂忽忽
曉入朱扉啓昏歸盡角終不成尋別業未敢息微躬
烏鵲愁銀漢鴛鴦怕錦幃會希全物色時放倚梧桐

奉贈鮮于京兆二十韻

京兆官名卽鮮于仲通

王國稱多士賢良復幾人異才應間出爽氣必殊倫
始見張京兆宜居漢近臣驕驕開道路鷗鷺離風塵
侯伯知何算文章實致身奮飛超等級容易失沉淪
脫畧磻溪釣操持郢匠斤雲霄今已逼台袞更誰親
鳳穴雛雖好龍門客又新義聲紛感激敗績自逡巡

途遠欲何向天高難重陳學詩猶孺子鄉賦念嘉賓
不得同晁錯吁嗟後邈詵計疎疑翰墨時過憶松筠
獻納紆皇眷中間謁紫宸且隨諸彥集方覬薄才伸
破膽遭前政陰謀獨秉鈞微生寤忌刻萬事益酸辛
交合丹青地恩傾雨露辰有儒愁餓死早晚報平津
奉贈太常張卿均二十韻

按唐書張說二子長均次垧均爲大理卿
安祿山亂因受僞命特免死長流合浦垧
尚公主爲太常卿最得寵幸故公贈以此
詩冀其援引云耳題內當作垧字不當作

均字

方丈三韓外崑崙萬國西建標天地濶詣絕古今迷
氣得神仙迴恩承雨露低相門清議衆儒術大名齊
軒冕羅天闕琳瑯識介珪伶官詩必誦夔樂典猶稽
健筆凌鸚鵡銛鋒瑩鷓鴣友于皆挺拔公望各端倪
通籍踰青瑣亨衢照紫泥靈虬傳夕箭歸馬散霜蹄
能事聞重譯嘉謨及遠黎弼諧方一展班序更何躋
適越空顛躋游梁竟慘悽謬知終畫虎微分是醢鷄
萍泛無休日桃陰想舊蹊吹噓人所羨騰躍事仍睽
碧海真難涉青雲不可梯顧深慙鍛鍊才小辱提攜

檻束哀猿叫枝驚夜鵲棲幾時陪羽獵應指釣璜溪
敬贈鄭諫議十韻

諫議大夫其名起于後漢至唐武后改爲
正諫大夫玄宗開元以來復舊員四人屬
門下省鄭不知其名此作於奏賦之後梁
權道編在十一載爲是

諫官非不達詩義早知名破的由來事先鋒孰敢爭
思飄雲物外律中鬼神驚毫髮無遺恨波瀾獨老成
野人寧得所天意薄浮生多病休儒服冥搜信客旌
築居仙縹緲旅食歲崢嶸使者求顏闔諸公厭襴衙

將期一諾重歛使寸心傾君見途窮哭宜憂阮步兵

寄贈類

秋日夔府詠懷奉寄鄭監

審

李賓客

之芳

一

百韻

大曆元年秋日自雲安遇亂後至夔州詠
懷如此因以簡寄二公云

絕塞烏蠻北孤城白帝邊飄零仍百里消渴已三年
雄劍鳴開匣羣書滿繫船亂離心不展衰謝日蕭然
筋力妻孥問菁華歲月遷登臨多物色陶冶賴詩篇
峽束滄江起巖排古樹圓拂雲霾楚氣潮海蹴吳天

煮井爲鹽速燒畚度地偏有時經疊嶂何處覓平川
鷓鴣雙雙舞獼猴壘壘懸碧蘿長似帶錦石小如錢
春草何曾歇寒花亦可憐獵人吹戍火野店引山泉
喚起搔頭急扶行幾屐穿兩京猶薄產四海絕隨肩
幕府初交辟郎官幸備員瓜時猶旅寓萍泛若寅緣
藥餌虛狼藉秋風洒靜便開襟驅瘴癘明日掃雲煙
高宴諸侯禮佳人上客前哀箏傷老大華屋豔神仙
南內開元曲常時子弟傳法歌聲變轉蒲座涕潺湲
弔影夔州僻回腸杜曲煎卽今龍廐水莫帶犬戎羶
耿賈扶王室蕭曹供御筵秉威滅蜂蠆戮力效鷹鷂

舊物森猶在凶徒惡未悛國須行戰伐人憶止戈鋌
奴僕何知禮恩榮錯與權胡星一彗孛黔首遂拘攣
哀痛絲綸切煩苛法令蠲業成陳始王兆喜出于畝
宮禁經綸密台階翊戴全能罷載呂望鴻鴈美周宣
側聽中興主長吟不世賢音徽一柱數道里下牢千
鄭李光時論文章並我先陰何尚清省沈宋歛聯翩
律比崑崙竹音知燥濕絃風流俱善價愜當久忘筌
置驛常如此登龍盖有焉雖云隔禮數不敢墜周旋
高視收人表虛心味道玄馬來皆汗血鶴唳必青田
羽翼商山起蓬萊漢閣連管寧紗帽淨江令錦袍鮮

東郡時題壁南湖日扣舷遠遊臨絕境佳句染華箋
每欲孤飛去徒爲百慮牽生涯已寥落國步尚迤邐
衾枕成蕪沒池塘作棄捐別離憂怛怛伏臘涕漣漣
露菊班豐鎬秋蔬影澗瀍共誰論昔事幾處有新阡
富貴空回首喧爭懶著鞭兵戈雲漠漠江漢月娟娟
局促看秋鷺蕭疎聽晚蟬雕蟲蒙記憶烹鯉問沉綿
卜羨君平杖偷存子敬氈囊虛把釵釧米盡折花鈿
甘子陰涼葉茅齋八九椽陣圖沙北岸市暨灤西巔
羈絆心嘗折棲遲病卽痊紫收岷嶺芋白種陸池蓮
色好梨勝頰穰多粟過拳勅厨惟一味求飽或三鱸

兒去看魚笥人來坐馬韉縛柴門窄窄通竹溜涓涓
塹抵公畦稜村依野廟墻缺籬將棘拒倒石賴藤纏
借問頻朝謁何如穩晝眠誰云行不遠自覺坐能堅
霧雨銀章溢馨香粉署妍紫鸞無近遠黃雀任翩翾
困學違從衆明公各勉旃聲華夾宸極早晚到星躔
肯諫畱匡鼎諸儒引服虔不逢輸鯁直會是正陶甄
宵旰憂虞軫黎元疾苦駢雲臺終日畫青簡爲誰編
行路難何有招尋興已專由來具飛檝暫擬控鳴弦
身許雙峰寺門求七祖禪落帆追宿昔衣褐向真詮
安石名高晉昭王客赴燕途中非阮籍查上似張騫

披拂雲寧在淹留景不延風期終破浪水怪莫飛涎
他日辭神女傷春泣杜鵑淡交隨聚散澤國迭迴旋
本自依迦葉何曾藉偃佺鑪峰生轉盼橘井尚高褰
東走歸窮鶴南征盡跼鸞晚聞多妙教卒踐塞前愆
顧愷丹青列頭陀琬琰鑄衆香深黯黯幾地肅阡阡
勇猛爲心極清羸任體孱金篋空刮眼鏡象未離銓

寄岳州賈司馬六丈巴州嚴八使君兩閣老

五十韻

賈至留中書舍人出守汝州坐小法貶岳
州司馬寶應召復故官嚴武由給事中拜

京兆尹坐房琯事貶巴州刺史公嘗爲左
拾遺兩京相呼爲閣老

衡岳啼猿裏巴州鳥道邊故人俱不利謫宦兩悠然
開闢乾坤正榮枯雨露偏長沙才子遠釣瀨客星懸
憶昨趨行殿殷憂捧御筵討胡愁李廣奉使待張騫
無復雲臺仗虛脩水戰船蒼茫城七十流客劍三千
畫角吹秦晉旄頭俯澗瀍小儒輕董卓有識笑符堅
浪作禽填海那將血射天萬方思助順一鼓氣無前
陰散陳倉北晴熏太白巔亂麻屍積衛破竹勢臨燕
法駕還雙闕王師下八川此時霑奉引佳氣拂周旋

貔虎開金匣麒麟受玉鞭侍臣諳入仗廐馬解登仙
花動朱樓雪城凝碧樹煙衣冠心慘愴故老淚潺湲
哭廟悲風急朝正暮景鮮月分梁漢米春給水衡錢
內藥煩於纈宮花軟勝綿恩榮俱拜手出入最隨肩
晚著華堂醉寒重繡被眠轡齊兼秉燭書枉滿懷牋
每覺昇元輔深期列大賢秉鈞方咫尺鍛翮再聯翩
禁掖朋從改徵班性命全青蒲甘受戮白髮竟誰憐
弟子貧原憲諸生老服虔師資謙未達鄉黨敬何先
舊好腸堪斷新愁眼欲穿翠乾危棧竹紅膩小湖蓮
賈筆論孤憤嚴君賦幾篇定知深意苦莫使衆人傳

貝錦無停織朱絲有斷絃浦鷗防碎首霜鶻不空拳
地僻昏炎瘴山稠隘石泉且將基度日應用酒爲年
典郡終微眇治中實棄捐安排求傲吏比興展歸田
去去才難得蒼蒼理又玄古人稱逝矣吾道卜終焉
隴外翻投迹漁陽復控弦笑爲妻子累甘與歲時遷
親故行稀少兵戈動接聯他鄉饒夢寐失侶自迍邐
多病加淹泊長吟阻靜便如公盡雄俊志在必騰騫

寄劉峽州伯華使君四十韻

峽州今隸湖廣荊州府夷陵州公在成都
而寄以此詩

峽內多雲雨秋來尚鬱蒸遠山朝白帝深水謁夷陵
遲暮嗟爲客西南喜得朋哀猿更起坐落鴈失飛騰
伏枕思瓊樹臨軒對玉繩青松寒不落碧海濶逾澄
昔歲文爲理羣公價盡增家聲同令聞時論以儒稱
太后當朝肅多才接迹昇翠虛捐颺丹極上鯤鵬
宴引春壺酒恩分夏簟水雕章五色筆紫殿九華燈
學並盧王敏書偕褚薛能老兄真不墜小子獨無承
近有風流作聊從月竈徵放蹄知赤驥捩翅服蒼鷹
卷軸來何晚襟懷庶可憑會期吟諷數益破旅愁凝
雕刻初誰料纖毫欲自矜神融躡飛動戰勝洗侵凌

妙取筌蹄棄高且百萬層白頭遺恨在青竹幾人登
回首追談笑勞歌跼寢興年華紛已矣世故莽相仍
刺史諸侯貴郎官列宿應潘生驂閣遠黃霸壘書增
乳贖號攀石饑颺訖落藤藥囊親道士灰劫問胡僧
憑久烏皮綻簪稀白帽稜林居看蟻穴野食待魚罾
筋力交凋喪飄零免戰兢皆爲百里宰正似六安丞
姹女縈新裹丹砂冷舊秤但求椿壽永莫慮杞天崩
鍊骨調情性張兵撓棘矜養生終自惜伐叛必全懲
政術甘踈誕詞場愧服膺展懷詩誦魯割愛酒如澠
咄咄寧書字冥冥欲避矰江湖多白鳥天地有青蠅

贈王二十四侍御契四十韻

廣德二年春公自閬州歸成都贈王侍御
王蓋成都人

往往雖相見飄飄愧此身不關輕綬冕俱是避風塵
一別星橋夜三移斗柄春敗亡非赤壁奔走爲黃巾
汝去何瀟灑余藏異隱淪書成無過鴈衣故有懸鶉
恐懼行裝數伶俜臥疾頻曉鷺工迸淚秋月解傷神
會向嗟鰲黑含悽話苦辛接輿還入楚王粲不歸秦
錦里殘丹竈花溪得釣綸消中祇自惜晚起索誰親
伏柱聞周史乘槎似漢臣鴛鴻不易狎龍虎未宜馴

客卽掛冠至交非傾蓋新由來意氣合直取性情真
浪迹同生死無心恥賤貧偶然存蔗芋幸各對松筠
麤飯依他日窮愁怪此辰女長裁褐穩男大卷書勻
湍口江如練蠶崖雪似銀名園當翠巘野棹沒青蘋
屢喜王侯宅時邀江海人追隨不覺晚款曲動彌旬
但使芝蘭秀何須棟宇隣山陽無俗物鄭驛正留賓
出入並鞍馬光輝叅席珍重遊先王廟更歷少城闈
石鏡通幽魄琴臺隱絳唇送終惟糞土結愛獨荆榛
置酒高林下觀碁積水濱區區其累趼稍稍息微筋
網聚粘圓鯽絲繁煮細蓴長歌敲柳瘦小睡凭藤輪

農月須知課田家敢忘勤浮生難去食良會惜清晨
列國兵戈暗今王德教淳安開除狹獮休作畫麒麟
洗眼看輕薄虞懷任屈伸莫令膠漆地萬古重雷陳
秋日荆南送石首薛明府辭滿告別奉寄薛
尚書頌德叙懷斐然之作三十韻

石首縣今隸湖廣荊州府永泰大曆間吐
蕃再遣使者來聘於是戶部尚書薛景儂
往報大曆二年公至荆南寄以此詩

南征爲客久西候別君初歲滿歸鳧舄秋來把鴈書
荆門留美化姜被就離居聞道和親入垂名報國餘

連枝不日並八座幾時除往者胡星孛恭惟漢網疎
風塵相瀕洞天地一丘墟殿瓦鴛鴦圻宮簾翡翠虛
鈎陳摧徼道槍纍失儲胥文物陪巡狩親賢病拮据
公時呵狹獮首唱却鯨魚勢愜宗蕭相材非一范睢
屍填太行道血走浚儀渠淦口師仍會函關憤已摠
紫微臨大角皇極正乘輿賞從頻峨冕殊私再直廬
豈惟高衛霍曾是接應徐峰集翺翔鳳追攀絕衆狙
侍臣雙宋玉戰策兩穰苴鑿激勞懸鏡荒蕪已荷鋤
嚮來披述作重此憶吹噓白髮甘凋喪青雲亦卷舒
經綸功不朽跋涉體何如應訝耽湖橘常餐占野蔬

十年嬰藥餌萬里狎樵漁揚子淹投閣鄒生惜曳裾
但驚飛熠燿不記改蟾蜍煙雨封巫峽江淮畧孟諸
湯池雖險固遼海尚填淤努力輸肝膽休煩獨起予
寄彭州高三十五使君適虢州岑二十七長
史參三十韻

乾元二年高適岑參謫官於外時公在秦

州按彭州今四川成都府彭縣虢州今河

南府靈寶縣

故人何寂寞今我獨淒涼老去才難盡秋來興甚長
物情尤可見詞客未能忘海內知名士雲端各異方

高岑殊緩步沈鮑得同行意愜關飛動篇終接混茫
舉天悲富駱近代惜盧王似爾官仍貴前賢命可傷
諸侯非棄擲半刺已翱翔詩多幾時見書成無使將
男兒行處是客子鬪身強羈旅推賢聖沉綿抵咎殃
三年猶瘧疾一鬼不銷亡隔日搜脂髓增寒抱雪霜
徒然潛隙地有覩屢新粧何太龍鍾極于今出處妨
無錢居帝里盡室在邊疆劉表雖遺恨龐公至死藏
心微傍魚鳥肉瘦怯豺狼蕭蕭白洮雲片片黃
彭門劍閣外虢畧鼎湖傍荆玉簪頭冷巴笺染翰光
烏麻蒸續曬丹橘露應嘗豈異神仙宅俱兼山水鄉

竹齋燒藥竈花嶼讀書床更得清新否遙知對屬忙
舊官寧改漢淳俗本歸唐濟世宜公等安貧亦士常
蚩尤終戮辱胡羯漫猖狂會待妖氛靜論文暫裹糧
奉贈蕭二十使君

嚴武鎮蜀時蕭使君爲嚴幕下客後朝廷
取蕭爲舍人及嚴再鎮蜀杜公亦爲嚴幕
下客故杜與蕭若有交情云

昔在嚴公幕俱爲蜀使臣艱危叅大府前後間清塵
起草鳴先路乘槎動要津王鳧聊暫出蕭雉只相馴
終始任安義荒蕪孟母隣聯翩匐禮意氣死生親

張老存家事稽康有故人食恩慙鹵莽鏤骨抱酸辛
巢許山林志夔龍廊廟珍鵬圖仍矯翼熊軾且移輪
磊落衣冠地蒼茫土木身墳笕鳴自合金石瑩逾新
重憶羅江外同遊錦水濱結歡隨過隙懷舊益霑巾
曠絕含香舍稽留伏枕辰停驂雙闕早迴鴈五湖春
不達長卿病從來原憲貧監河受貸粟一起轍中鱗
贈李八秘書別三十韻

大曆二年秋作

往時中補右扈蹕上元初反氣凌行在妖星下直廬
六龍瞻魏闕萬騎畧姚墟玄朔巡天步神都憶帝車

一戎纔汗馬百姓免為魚通籍
 蟠螭印差肩列鳳輿
 事殊迎代邸喜異賞朱虛
 寇盜方歸順乾坤欲晏如
 不才同補衮奉詔許牽裾
 鴛鴦叨雲閣騏驎滯玉除
 文園多病後中散舊交踈
 飄泊哀相見平生意有餘
 風煙巫峽遠臺榭楚宮虛
 觸目非論故新文尚起予
 清秋凋碧柳別浦落紅蕖
 消息多旗幟經過歎里閭
 戰連唇齒國軍急羽毛書
 幕府籌頻問山家藥正鋤
 台星入朝謁使節有吹噓
 西屬災長弭南翁憤始攄
 對歎抗士卒乾沒廢倉儲
 勢籍兵須用功無禮忽諸
 御鞍金駟裏宮硯玉蟾
 蟾拜舞銀鈎落恩波錦帕舒

此行非不濟良友昔相於
 去棹依顏色泐流想疾徐
 沉綿疲井臼倚薄似樵漁
 乞米煩佳客鈔詩聽小胥
 杜陵斜晚照滴水帶寒淤
 莫話青溪髮蕭蕭白映梳

奉贈盧五丈叅謀琚

丈人使自江陵在長沙
 待恩肯先支率錢

密

米唐志副元帥有行軍叅謀
 關預軍中機
 恭惟同自出妙選異高標
 入幕知孫楚披襟得鄭僑
 丈人藉才地門闕冠雲霄
 老矣逢迎拙相於契托饒
 賜錢傾府待爭米駐船遙
 隣好艱難薄珉心杼抽焦

客星空伴使寒水不成潮素髮乾垂領銀章破在腰
 說詩能累夜醉酒或連朝藻翰惟牽率湖山合動搖
 時清非造次興盡却蕭條天子多恩澤蒼生轉寂寥
 休傳鹿是馬莫信鵬為鴟未解依依袂還斟泚泚瓢
 流年疲蟋蟀體物幸鷓鴣孤負滄洲願誰云晚見招

寄贈類

贈崔十三評事公輔

崔評事公之舅氏時為羽軍帥屬官

飄飄西極馬來自渥洼池颯颯定山桂低迴風雨枝
 我聞龍正直道屈爾何為且有元戎命悲歌識者知

官聯辭冗長行路徙歛危脫劍主人贈去帆春色隨
 陰沉鐵鳳闕教練羽林兒天子朝侵早雲臺仗數移
 分軍應供給百姓日支離黠吏因封已公才或守雌
 燕王買駿骨渭老得熊羆活國名公在拜壇群寇疑
 冰壺動瑤碧野水失蛟螭入幕諸彥集渴賢高選宜
 騫騰坐可致九萬起於斯復進出矛戟昭然開鼎彝
 會者之子貴歎及老夫衰豈但江曾決還思霧一披
 暗塵生古鏡拂匣照西施舅氏多人物無慙困翮垂

贈裴南部

南部縣名今四川保寧府聞袁判官自來

欲有按問

塵滿萊蕪餽堂橫單父琴人皆知飲水公輩不偷金
梁獄書應作秦臺鏡欲臨獨醒時所嫉羣小謗何深
卽出黃沙在應知白髮侵使君傳舊德以見直繩心

酬別杜二 嚴武

獨逢堯典日再覩漢官時未效風霜勁空慙雨露私
夜鐘清萬戶曙漏拂千旗並向斜亭謁俱承別館追
斗城憐舊路鍋水惜歸期峯樹還相伴江雲更對垂
試回滄海棹更妬敬亭詩祇是書應寄無忘酒共持
但令心事在未肯鬢毛衰最悵巴山裏清猿惱夢思

七言古

寄贈類

寄韓諫議

諫議名註好直言天下事代宗不悅貶岳
陽註遂適意遊君山棄人間事將爲長往
之計故公思之

今我不樂思岳陽身欲奮飛病在床美人娟娟隔秋
水濯足洞庭望八荒鴻飛冥冥日月白青楓葉赤天
雨霜玉京羣帝集北斗或騎麒麟翳鳳凰芙蓉旌旗
煙霧樂影動倒景搖瀟湘星宮之君醉瓊漿羽人稀

少不在傍似聞昨者赤松子恐是漢代韓張良昔隨
劉氏定長安帷幄未改神慘傷國家成敗吾豈敢色
難腥腐餐楓香周南留滯古莫惜南極老人應壽昌
美人胡爲隔秋水焉得置之貢玉堂

暮秋枉裴道州手札率爾遣興寄近呈蘇渙
侍御

裴虬爲道州刺史卽大曆五年平臧玠者
時公在潭州而蘇侍御亦在潭州

久客多枉友朋書素書一月凡一束虛名但蒙寒暄
問泛愛不救溝壑辱齒落未是無心人舌存耻作窮

途哭道州手札適復至紙長要自三過讀盈把那須

滄海珠入懷本倚崑山玉撥棄潭州百斛酒蕪沒瀟

岸千株菊使我晝立煩兒孫令我夜坐費燈燭憶子

初尉永嘉去紅顏白面花映肉軍符侯印取豈遲紫

燕綠耳行甚速聖朝尚飛戰鬪塵濟世宜引英俊人

黎元愁痛會蘇息夷狄跋扈徒逡巡授鉞築壇聞意

旨頽網漏網期彌綸郭欽上書見大計劉毅答詔驚

群臣他日更僕語不淺明公論兵氣益振傾壺簫管

黑白髮儻劍霜雪吹青春宴筵曾語蘇季子後來傑

出雲孫比茅齋定王城郭門藥物楚老魚商市市北

肩輿每聯袂郭南抱甕亦隱几無數將軍西第成早
作丞相東山起鳥雀苦肥秋粟菽蛟龍欲蟄寒沙水
天下鼓角何時休陣前部曲終日死附書與裴因示
蘇此生已愧須人扶致君堯舜付公等早據要路思
捐軀

寄裴施州

按史裴冕廣德初充山陵使表李輔國親
昵術士劉烜爲判官後烜坐法冕坐貶施
州刺史施州今湖廣施州衛軍民指揮使
司

廊廟之具裴施州宿昔相逢無此流金鐘大鑪在東
序水壺玉衡懸清秋自從相遇更多病三歲爲客寬
邊愁堯有四岳明至理漢二千石真分憂幾度寄書
白鹽北苦寒贈我青羔裘霜雪迴光避錦袖蛟龍動
篋蟠銀鈎紫衣使者辭復命再拜故人謝佳政將老
已失子孫憂後來况接才華盛

投簡成華兩縣諸子

成都咸陽兩縣皆屬長安咸誤作華也是
詩公在長安時作

赤縣官曹擁材傑軟裘快馬當冰雪長安苦寒誰獨

悲杜陵野老骨未折南山豆苗早荒穢青門瓜地新
凍裂鄉里兒童項領成朝廷故舊禮數絕自然棄擲
與時異况乃踈頑臨事拙饑臥動卽向一旬弊裘何
啻聯百結君不見空墻日色晚此老無聲淚垂血

君不見簡蘇徯

大曆元年蘇徯摧頽太甚故公以棄池折
桐爲比而贈此詩

君不見道邊廢棄池君不見前者摧折桐百年死樹
中琴瑟一斛舊水藏蛟龍丈夫蓋棺事始定君今幸
未成老翁何恨憔悴在山中深山窮谷不可處霹靂

魍魎兼狂風

寄岑嘉州

岑嘉州名參時爲嘉州刺史嘉州今四川

嘉定州

不見故人十年餘不道故人無素書願逢顏色關塞
遠豈意出守江城居外江三峽且相接斗酒新詩終
自踈謝眺每篇堪諷誦馮唐已老聽吹嗟泊船秋夜
經春草伏枕青楓限玉除眼前所寄選何物贈子雲
安雙鯉魚

五言古

懷舊類

昔遊

天寶十一年公與高李同遊於單父臺故
叙其事如此

昔者與高李晚登單父臺寒蕪際碣石萬里風雲來
桑柘葉如雨飛藿共徘徊清霜大澤凍禽獸有餘哀
是時倉廩實洞達寰區開猛士思滅胡將帥望三台
君王無所惜駕馭英雄材幽燕盛用武供給亦勞哉
吳門轉粟帛泛海陵蓬萊肉食三十萬獵射起黃埃
隔河憶長眺青歲已摧頽不及少年日無復故人盃

賦詩獨流涕亂世想賢才有能市駿骨莫恨少龍媒
商山議得失蜀主脫嫌猜呂尚封國邑傳說已鹽梅
景晏楚山深水鶴去低回龐公任本性攜子臥蒼苔
有懷台州鄭十八司戶

司戶官名唐文獻通攷開元時在府爲戶
曹叅軍在州爲司戶掌戶口籍帳婚姻田
宅雜徭道路之事鄭十八卽鄭虔時公在
秦華間作此詩以懷之

天台隔三江風浪無晨暮鄭公縱得歸老病不識路
昔如水上鷗今如冑中兔性命由他人悲辛但狂顧

山鬼獨一脚蝮蛇長如樹呼號旁孤城歲月誰與度
 從來禦魑魅多為才名悞夫子稽阮流更被時俗惡
 海隅微小吏眼暗髮垂素黃帽映青袍非供折腰具
 平生一杯酒見我故人遇相望無所成乾坤莽回互
 宿青谿驛奉懷張員外十五兄之緒

青谿驛在嘉州犍為縣此詩永泰元年去
 成都經嘉州下忠渝時所作故有佳期付

荆楚之句

漾舟千山內日入泊荒渚我生本飄飄今復在何許
 石根青楓林猿鳥聚儔侶月明遊子靜畏虎不得語

中夜懷友朋乾坤此深阻浩蕩前後間佳期付荆楚

暫如臨邑如嵒山湖亭奉懷李員外率爾成
 興

臨邑縣今屬山東濟南府嵒山湖七八月
 間鳥鵲翔集於此一統志嵒山作鵲山亭
 當作鵲字讀李員外即李邕嘗為淄州刺
 史與公同登此亭故懷之

野亭逼湖水歇馬高林間鼉吼風奔浪魚跳日映山
 暫遊阻詞伯却望懷青關藹藹生雲霧唯應促駕還

七言古

懷舊類

題鄭十八著作文

鄭虔以至德二年十二月貶雷州司戶而
今詩云春深逐客一浮萍當是乾元元年
春三月作

台州地濶海冥冥雲水長和島嶼青亂後故人雙別
淚春深逐客一浮萍酒酣懶舞誰相拽詩罷能吟不
復聽第五橋東流恨水皇陂岸北結愁亭賈生對鵬
傷王傅蘇武者羊陷賊庭可念此心懷直道也霑新
國用輕刑襴衡實恐遭江夏方朔虛傳是歲星窮巷
悄然車馬絕案頭乾死讀書螢

五言古

尋訪類

晦日尋崔戢李封

晦日謂正月盡日此乾元元年歸京師作
朝光入窳牖尸寢驚敝裘起行視天宇春風漸和柔
興來不暇懶今辰梳我頭出門無所待徒步覺自由
杖藜復恣意免值公與侯晚定崔李交會心真罕儔
每過得酒傾二宅可淹畱喜結仁里懽况因令節求
李生園欲荒舊竹頗脩脩引客看掃除隨時成獻酬

崔侯初筵色已畏空樽愁未知天下士至性有此不
 草芽既青出蜂聲亦暖遊思見農器陳何當甲兵休
 上古葛天氏不貽黃屋憂至今阮籍等熟醉為身謀
 威鳳高其翔長鯨吞九州地軸為之翻百川皆亂流
 當歌欲一放淚下恐莫收濁醪有妙理庶用慰沉浮

雨過蘇端

端時尚為布衣來春始及第此是至德二

年作

鷄鳴風雨交久旱雨亦好杖藜入春泥無食起我早
 諸家憶所歷一飯跡更掃蘇侯得數過懽喜每傾倒

也復可憐人呼兒具梨棗濁醪必在眼盡醉攄懷抱
 紅稠屋角花碧委墻隅草親賓絕談諠鬧慰衰老
 况蒙霈澤垂糧粒或自保妻孥隔軍壘撥棄不擬道

夏日李公見訪

年公指李炎天寶十四年作炎宗室蔡王
 房之子時為太子家令有謂讓王之子者
 亦非讓王去公時已五世矣

遠林暑氣薄公子過我遊貧居顛村塢僻近城南樓
 傍舍頗淳朴所願亦易求隔屋喚西家借問有酒不
 墻頭過濁醪展席俯長流清風左右至客意已驚秋

木言分數 卷之三
巢多衆鳥鬪葉密鳴蟬稠苦遭此物聒孰謂吾廬幽
水花晚色靜庶足充淹留預恐樽中盡更起爲君謀

惠貺顛

太子張舍人遺織成袴段

太子張舍人疑東宮官屬此廣德二年公
再歸成都時作

客從西北來遺我翠織成開絨風濤湧中有掉尾鯨
逶迤羅水族瑣細不足名客云充君袴承君終宴榮
空堂魑魅走高枕形神清領客珍重意顧我非公卿
留之懼不祥施之混柴荆服飾定尊卑大哉萬古程

今我一賤老裋褐更無營煌煌珠宮物寢處禍所嬰
歎惜當路子干戈尚縱橫掌握有權柄衣馬自肥輕
李鼎死岐陽實以驕貴盈來瑱賜自盡氣豪直阻兵
昔聞黃金多坐見悔吝生奈何田舍翁受此厚貺情
錦鯨卷還客始覺心和平振我麤席塵愧客如藜羹
寄芻有夏郎中

大曆元年作

省郎憂病士書信有柴胡飲子頻通汗懷君想報珠
親知天際少藥餌峽中無歸楫生衣臥春鷗洗翅呼
猶聞上急水早作取平塗萬里皇華使爲僚記腐儒

送別類

送殿中丞楊監赴蜀見相公

相公杜鴻漸也鴻漸以黃門侍郎平章事帥蜀此是大曆元年秋作

去水絕還波洩雲無定姿人生在世間聚散亦暫時
離別重相逢偶然豈定期送子清秋暮風動長年悲
豪俊貴勲業邦家頻出師相公鎮梁益軍事無子遺
解榻再見今用才復擇誰况子已高位為郡得固辭
難拒供給費慎哀漁奪私干戈未甚絕紀綱正所持
汎舟巨石橫登陸草露滋山門日易久當念居者思

湘江宴餞裴二端公赴道州

裴二即裴虬大曆五年四月出兵平臧玠之亂而公亦去潭州之衡當是四月夏作

白日照舟師朱旗散廣川羣公餞南伯蕭蕭秩初筵
鄙人奉末眷佩服自早年義均骨肉地懷抱罄所宣
盛名富事業無取愧前賢不以喪亂嬰保愛金石堅
計拙百寮下氣蘇君子前會合苦不久哀樂本相纏
交遊颯向盡宿昔浩茫然促觴激百慮掩抑淚潺湲
熱雲集曛黑缺月未生天白團為我破華燭蟠長煙
鵠鶡催明星解袂從此旋上請減甲兵下請安井田

永念病渴老附書遠山巔

陪章畱後惠義寺餞嘉州崔都督赴州

章畱後卽章彝畱後官名按唐節度使有
畱後至長慶四年改爲知院官嘉州今四
川嘉定州

中軍待上客今肅事有恒前驅入寶地祖帳飄金繩
南陌旣畱歡茲山亦深登清聞樹杪磬遠謁雲端僧
廻策匪新岸所攀仍舊藤耳激洞門颺目存寒谷氷
出塵闕軌躅畢景遺炎蒸永願坐長夏將衰棲大乘
羈旅惜燕會艱難懷友朋勞生共幾何離恨兼相仍

別蔡十四著作

永泰元年成都尹郭英又爲崔旰所殺時
蔡著作扶其櫬以歸公與蔡相逢於雲安
著作官名屬秘書監蓋撰國史者

賈生慟哭後寥落無其人安知蔡夫子高義邁等倫
獻書謁皇帝志已清風塵流涕灑丹極萬乘爲酸辛
天地則瘡痍朝廷當正臣異才復間出周道日維新
使蜀見知己別顏始一伸主人薨城府扶櫬歸咸秦
已道此相逢會我病江濱憶念鳳翔都聚散俄十春
我衰不足道但願子意陳稍令社稷安自契魚水親

我雖消渴甚敢忘帝力勤尚思未朽骨復覩耕桑民
積水駕三峽浮龍倚長津揚舠洪濤間仗子濟物身
鞍馬下秦塞王成通北辰玄甲聚不散兵久食恐貧
窮谷無粟帛使者來相因若逢南轅使書札到天垠
送高三十五書記

高三十五名適字達夫渤海人書記官名
自魏以來有其名唐元帥府置掌書記一
人節度使亦置焉掌朝覲聘問慰薦祭祀
祈祝之文與號令升降之事適年五十始
畱意詩什遂爲人所珍重適初不得志去

客河西河西節度使哥舒翰表爲參軍掌
書記故公送以詩

崆峒小麥熟且願休王師請公問主將焉用窮荒爲
饑鷹未飽肉側翅隨人飛高生跨鞍馬有似幽并兒
脫身簿尉中始與捶楚辭借問今何官觸熱向武威
答云一書記所媿國士知人實不易知更須慎其儀
十年出幕府自可持旌麾此行旣特達足以慰所思
男兒功名遂亦在老大時常恨結懽淺各在天一涯
又如參與商中腸安不悲驚風吹鴻鵠不得相追隨
黃塵翳沙漠念子何當歸邊城有餘力早寄從軍詩

送長孫九侍御赴武威判官

長孫九不知其名侍御卽御史也至德二
年公爲拾遺時作

驄馬新鑿蹄銀鞍被來好繡衣黃白郎騎向交河道
問君適萬里取別何草草天子憂涼州嚴程到須早
去秋羣胡反不得無電掃此行牧遺畝風俗方再造
族父領元戎名聲閣中老奪我同官良飄飄按城堡
使我不能餐令我惡懷抱若人才思濶溟漲稱絕島
罇前失詩流塞上得國寶皇天悲送遠雲雨白浩浩
東郊尚烽火朝野色枯槁西極柱亦傾如何正穹昊

送樊二十三侍御赴漢中判官

樊二十三其名無考漢中今陝西漢中府

威弧不能弦自爾無寧歲川谷血橫流豺狼沸相噬
天子從北來長驅振凋敝頓兵岐梁下却跨沙漠裔
二京陷未收四極我得制蕭索漢水清緬通淮湖稅
使者紛星散王綱尚旒綴南伯從事賢君行立談除
生知七曜曆手畫三軍勢冰雪淨聰明雷霆走精銳
幕府輟諫官朝廷無此例至尊方旰食仗爾布嘉惠
補闕暮徵入柱史晨征憇正當艱難時實藉長久計
回風吹獨樹白日照執袂慟哭蒼煙根山門萬里閉

居人莽牢落遊子方迢遞徘徊悲生離局促老一世
陶唐歌遺民後漢更列帝恨無匡復姿聊復從此逝
送從弟亞赴安西判官

亞字次公安西當作河西肅宗卽位於靈
武亞上書論時事擢校書郎時杜鴻漸節
度河西奏署幕府河西屬陝西行都司

南風作秋聲殺氣薄炎熾盛夏鷹隼擊時危異人至
令第草中來蒼然請論事詔書引上殿奮舌動天意
兵法五十家爾腹爲篋笥應對如轉丸踈通畧文字
經綸皆新語足以正神器宗廟尚爲灰君臣俱下淚

崆峒地無軸清海天軒輊西極最瘡痍連山暗烽燧
帝曰大布衣藉卿佐元帥坐看清流沙所以子奉使
歸當再前席適遠非歷試須存武威郡爲畫長久利
孤峯石戴驛快馬金纏轡黃羊飫不羶蘆酒多還醉
踴躍常人情慘淡苦士志安邊敵何有反正計始遂
吾聞駕鼓車不合用騏驥龍吟回其頭夾輔待所致
送韋十六評事克同谷防禦判官

安祿山大亂公與韋宙同陷賊後皆遁歸
行在評事官名今大理寺屬官同谷縣今
陝西鞏昌府成縣防禦使唐武后置以備

賊之衝突處團練使之下判官其屬官也

昔沒賊中時潛與子同遊今歸行在所王事有去留
偏側兵馬間王憂急良籌子雖軀幹小老氣橫九州
挺身艱難際張目視寇讐朝廷壯其節奉詔令參謀
鑾輿駐鳳翔同谷爲咽喉西扼弱水道南鎮枹罕陬
此邦承平日剽劫吏所羞况乃胡未滅控帶莽悠悠
府中常使君道足示懷柔令姪才俊茂二美又何求
受詞太白脚走馬仇池頭古色沙土裂積陰霜雪稠
羌父豪猪靴羌兒青兒裘吹角向月窟蒼山旌旆愁
鳥驚出死樹龍怒拔老湫古來無人境今代橫戈矛

傷哉文儒士憤激馳林丘中原正格鬪後會何緣由
百年賦命定豈料沉與浮且復戀良友握手步道周
論兵遠壑淨亦可縱真搜題詩得秀句札翰時相投
送高司直尋封閣

司直官名臯陶作士正五刑周秋官之任
秦爲廷尉漢因之北齊改爲大理置正卿
少卿各一人唐加少卿二人正一人丞六
人主簿二人司直六人評事十二人覆理
御史檢核事有疑讞則參議之

丹雀銜書來暮棲何鄉樹驂驪事天子辛苦在道路

司直非冗官荒山甚無趣借問泛舟人胡爲入雲霧
與子姻婭間旣親亦有故萬里長江邊邂逅一相遇
長卿消渴再公幹沉綿屢清談慰老夫開卷得佳句
時見文章士欣然淡情素伏枕聞別離疇能忍漂寓
良會苦短促溪行水奔注熊羆咆空林游子慎馳騫
西謁巴中侯艱險如跬步主人不世才先帝常特顧
拔爲天軍佐崇大王法度淮海生清風南翁尚思慕
公宮造廣厦木石乃無數初聞伐松栢猶臥天一柱
我病書不成成字讀亦誤爲問我故人勞心練征戍
奉送魏六丈佑少府之交廣

魏六丈名佑

賢豪贊經綸功成空名垂子孫不振耀歷代皆有之
鄭公四葉孫長大常苦饑衆中見毛骨猶是麒麟兒
磊落貞觀事致君樸直詞家聲蓋六合行色何其微
遇我蒼梧陰忽驚會面稀議論有餘地公侯來未遲
虛思黃金貴自笑青雲期長卿久病渴武帝元同時
季子黑貂弊得無妻嫂欺尚爲諸侯客獨屈州縣卑
南遊炎海甸浩蕩從此辭窮愁仗神道世亂輕土宜
解帆歲云暮可與春風歸出入朱門家華屋刻蛟螭
玉食亞王者樂張遊子悲侍婢豔傾城綃綺輕霖霏

掌中琥珀鍾行酒雙透迤新歡繼明燭梁棟星辰飛
兩情顧盼合珠碧贈於斯上貴見肝膽下貴不相疑
心事披寫間氣酣達所爲錯揮鐵如意莫避珊瑚枝
始兼逸邁興終慎賓王儀戎馬暗天宇嗚呼生別離

別張十三建封湖南觀察使常之晉辟參謀

張十三名建封少隨父玠客隱兖州時公

父杜閑爲兖州司馬有契好湖南觀察使

常之晉辟署參謀故公與別

嘗讀唐實錄國家草昧初劉裴首建議龍見尚躊躇
秦王撥亂姿一劍搃兵符汾晉爲豐沛暴隋竟滌除

宗臣則廟食後祀何踈蕪彭城英雄種宜膺將相圖
爾惟外曾孫倜儻汗血駒眼中萬少年用意盡崎嶇
相逢長沙亭乍問緒業餘乃吾故人子童丕聯居諸
揮手灑衰淚仰看八尺軀內外名家流風神蕩江湖
范雲堪結交稽紹自不孤擇材征南幕湖落回鯨魚
載感賈生慟復開樂毅書王憂急盜賊師老荒京都
舊丘復稅駕大廈傾宜扶君臣各有分管葛本時須
雖當霰雪嚴未覺栝栢枯高義在雲臺嘶鳴望天衢
羽人掃碧海功業竟何如

別唐十五誠因寄禮部侍郎賈

賈至貶岳州司馬寶應初召轉禮部侍郎

九載一相逢百年能幾何復爲萬里別送子山之阿
白鶴久同林潛魚本同河未知棲集期衰老強高歌
歌罷兩悽惻六龍勿蹉跎相視髮皓白况難駐羲和
胡星墜燕地漢將仍橫戈蕭條四海內人少豺虎多
少人慎莫投多虎信所過饑有易子食獸猶畏虞羅
子負經濟才天門鬱嵯峨飄飄適東周來往若崩波
南宮無故人白馬金盤陀雄筆映千古見賢心靡他
念子善師事歲寒守舊柯爲吾謝賈公病肺臥江沱

送韋諷上閬州錄事參軍

錄事參軍職名居教授之下掌正違失蒞
符印後漢皆太守自辟除及魏隋改郡爲
州以州統縣皆吏部選除之

國步猶艱難兵革未衰息萬方哀嗷嗷十載供軍食
庶官務割剝不暇憂反側誅求何多門賢者貴爲德
韋生富春秋洞徹有清識操持綱紀地喜見朱絲直
當今豪奪吏自此無顏色必若救瘡痍先應去蝥賊
揮淚臨大江高天意悽惻行行樹佳政慰我深相憶

送率府程錄事還鄉

唐六典太子左右衛率府有錄事參軍一

人掌監印發付勾稽本隋置唐因之時程
攜酒殺相就取別故送以詩

鄙夫行哀謝抱病昏妄集常時往還人記一不識十
程侯晚相遇與語才傑立薰然耳目開頗覺聰明入
千載得鮑叔未契有所及意鍾老栢青義動脩蛇蟄
若人可數見慰我垂白泣生別無淹晷百憂復相襲
內愧突不黔庶羞以調給素絲契長魚碧酒隨玉粒
途窮見交態世梗悲路澁東風吹春冰決莽后土濕
念君惜羽翮既飽更思戢莫作翻雲鷲聞呼向禽急

贈別李十五丈

李十五丈卽李秘書文疑也公嘗有奉寄
二首約其來會時公在夔故又別以此

峽人鳥獸居其室附層巔下臨不測江中有萬里船
多病紛倚薄少畱改歲年絕域誰慰懷開顏喜名賢
孤陋忝未親等級敢比肩人生意氣合相與襟袂連
一日兩遣僕三日一其筵揚論展寸心壯筆過飛泉
玄成美價存子山舊業傳不聞八尺軀常受衆自憐
且爲辛苦行蓋被生事牽北廻白帝棹南入黔陽天
汧公制方隅迥出諸侯先封內如太古時危獨蕭然
清高金莖露正直朱絲絃昔在堯四岳今之黃潁川

于邁恨不同所思無由宣山深水增波解榻秋露懸
客遊雖云久亦思月再圓晨集風渚亭醉操雲嶠篇
大夫貴知己歡罷念歸旋

贈別賀蘭鈺

廣德元年在梓閬州作

黃雀飽野粟羣飛動荆榛今吾抱何恨寂寞向時人
老驥倦驥首蒼鷹愁易馴高賢世未識固合嬰饑貧
國步初反正乾坤尚風塵悲歌鬢髮白遠赴湘吳春
我戀岷山芋君思千里尊生離與死別自古鼻酸辛

別董頴

大曆三年董自岳陽泝漢水而歸鄧州故
公別時所作時公亦有適潭之期矣

窮冬急風水逆浪開帆難士子其旨闕不知道里寒
有求彼樂土南適小長安別我舟楫去覺君衣裳單
素聞趙公節兼盡賓主歡已結門廬望無令霜雪殘
老夫纜亦解脫粟朝未餐飄蕩兵甲際幾時懷抱寬
漢陽頗寧靜峴首試考槃常念著白帽采薇青雲端

湖中送敬十使君適廣陵

大曆四年秋公在潭州時作湖中潭州有
松湖雲湖故曰湖中今長沙廣陵今揚州

相見各頭白其如離別何幾年一會面今日復悲歌
少壯樂難得歲寒心匪他氣纏霜匣滿冰置玉壺多
遭亂日漂泊濟時曾琢磨形容吾較老膽力爾誰過
秋晚岳增翠風高湖湧波騫騰訪知己淮海莫蹉跎
別蘇篋赴湖南幕

湖南道屬湖廣治

故人有遊子棄擲傍天隅他日憐才命居然屈壯圖
十年猶場翼絕倒爲驚呼消渴今如在提攜愧老夫
豈知臺閣舊洗拂鳳凰雖得食翻蒼竹棲枝把翠梧
北辰當宇宙南嶽據江湖國帶烟塵色兵張虎豹符

數論封內事揮發府中趨贈爾秦人策莫鞭轅下駒
奉送郭中丞兼太僕卿克隴右節度使三十

韻
下排律附

至德二年安祿山亂肅宗拜郭英又爲隴
右節度使加御史中丞兼太僕卿蓋節度
中丞統一方之休戚太僕卿掌廐牧輦輿
之政合之實爲殊恩

詔發西山將秋屯隴右兵淒涼餘部曲燁赫舊家聲
鷗鷺乘時去驂騶顧主鳴艱難須上策容易卽前程
斜日當軒蓋高風卷旆旌松悲天水冷沙亂雪山清

和虜猶懷惠防邊不敢驚古來於異域鎮靜示專征
燕薊奔封豕周秦觸駭鯨中原何慘黷餘孽尚縱橫
箭入昭陽殿笳鳴細柳營內人紅袖泣王子白衣行
宸極妖星動園陵殺氣平空餘金枕出無復總帷輕
毀廟天飛雨焚宮火徹明采息朝共落榆栢夜同傾
三月師逾整羣胡勢就烹瘡痍親接戰身決冠垂成
妙譽期元宰殊恩且列卿幾時回節鉞戮力掃欃槍
圭竇三千士雲梯七十城耻非齊說客其似魯諸生
通籍微班忝周行獨坐榮隨肩趨漏刻短髮寄簪纓
徑欲依劉表還疑厭禰衡漸衰那此別悲淚獨含情
廢邑狐狸語空村虎豹爭人頻墜塗炭公豈忘精誠
元帥調新律前軍厭舊京安邊仍扈從莫作後功名
奉送嚴公入朝十韻

寶應元年四月肅宗崩代宗立召嚴武還朝

鼎湖瞻望遠象闕憲章新四海猶多難中原憶舊臣
與時安反側自昔有經綸感激張天步從容靜塞塵
南圖回羽翮北極捧星辰漏鼓還思晝宮鸞罷轉春
空留玉帳術愁殺錦城人閣道通丹地江潭隱白蘋
此生那老蜀不死會歸秦公若登台輔臨危莫愛身

木言分數 卷之三 六九 三百卅八
暮春江陵送馬大卿公恩命迨赴闕下

大曆三年三月作

自古求忠孝名家信有之吾賢富才術此道未磷緇
玉府標孤映霜蹄去不疑激揚音韻徹藉甚衆多推
潘陸應同調孫吳亦異時北宸徵事業南紀赴恩私
卿月昇金掌王春度玉墀薰風行應律湛露卽歌詩
天意高難問人情老易悲樽前江漢濶後會且歌詩

送梓州李使君之任

此詩公在綿州夏月送李使君赴任梓州
是年十二月公亦到射洪縣洪亦屬梓州

籍甚黃丞相能名自潁川近看除刺史還喜得吾賢
五馬何時到雙魚會早傳老思筇竹杖冬要錦衾眠
不作臨岐恨唯聽舉最先火雲揮汗日山澤醒心泉
遇害陳公殞于今蜀道憐君行射洪縣爲我一潸然
送陵州路使君之任

陵州今廢卽四川潼川州仁壽縣

王室比多難高官皆武臣幽燕通使者岳牧用詞人
國待賢良急君當拔擢新佩刀成氣象行蓋出風塵
戰伐乾坤破瘡痍府庫貧衆寮宜潔白萬役但平均
霄漢瞻佳士泥塗任此身秋天正搖落四首大江濱

奉送王信州峯北歸

信州今四川夔州府

朝廷防盜賊供給愍誅求下詔選郎署傳聲典信州
蒼生今日因天子嚮時憂井屋有煙起瘡痍無血流
壤歌唯海甸畫角自山樓白髮寐常早荒榛農復秋
解龜踰臥轍遣騎覓扁舟徐榻不知倦潁川何以酬
塵生彤管筆寒臆黑貂裘高義終焉在斯文去矣休
別離同雨散行止各雲浮林熱鳥開口江渾魚掉頭
尉佗雖北拜大史尚南留軍旅應都息寰區要盡收
九重思諫諍八極念懷柔徙倚瞻王室從容仰廟謀

故人持雅論絕塞豁窮愁復見陶唐理其爲汗漫遊

奉送蘇州李二十長史丈之任

星坼台衡地曾爲人所憐公侯終必復經術竟相傳
食德見從事克家何妙年一毛生鳳穴三尺獻龍泉
赤壁浮春暮姑蘇落海邊客間頭最白惆悵此離筵
送蔡希魯都尉還隴右寄高三十五書記

天寶十四載春哥舒翰入朝道遇風疾留
京師勒蔡希魯先歸隴右隴右今之陝西
行都司等處時翰爲隴右節度使希魯在
其幕下爲都尉都尉掌領五校之屬以備

宿衛以從師役揔其戎具資糧差點教習
之法令凡衛士三百人爲團以校尉領之
蔡子勇成癖彎弓西射胡健兒寧鬪死壯士耻爲儒
官是先鋒得材緣挑戰須身輕一鳥過槍急萬人呼
雲幕隨開府春城赴上都馬頭金匱匝駝背錦模糊
咫尺雪山路歸飛西海隅上公猶寵錫突將且前驅
漢使黃河遠涼州白麥枯因君問消息好在阮元瑜
送許八拾遺歸江寧觀省甫昔時嘗客遊此
縣於許生處乞瓦棺寺維摩圖樣志諸篇末
瓦棺寺卽薦福寺

詔許辭中禁慈顏赴北堂聖朝新孝理祖席倍輝光
內帛擎偏重宮衣著更香淮陰新夜驛京口渡江航
春隔鷄人晝秋期燕子涼賜書誇父老壽酒樂城隍
看畫曾饑渴追蹤限綠茫虎頭金粟影神妙獨難忘
送魏二十四司直克嶺南掌選崔郎中判官
兼常韶州

大曆四年秋朝廷以崔郎中爲嶺南掌選
官又以魏司直往爲判官以叅贊郎中選
事公又有故人常迢爲韶州故兼寄以此
詩韶州隸廣東

選曹分五嶺使者歷三湘才美膺推薦君行佐紀綱
 佳聲期共遠雅節在周防明白山濤鑒嫌疑陸賈裝
 故人湖外少春日嶺南長憑報韶州牧新詩昨寄將
 送楊六判官使西蕃

至德二載吐蕃遣使來請討賊且脩好肅
 宗遣給事中南巨州往報聘楊其輔行也

送遠秋風落西征海氣寒帝京氛祲滿人世別離難
 絕域遙懷怒和親願結歡勅書憐贊普兵甲望長安
 宣命前程急惟良待子寬子雲清自守今日起為官
 垂淚方投筆傷時即據鞍儒衣山鳥怪漢節野童看

邊酒排金盞夷歌捧玉盤草肥蕃馬健雪重拂廬乾
 慎爾叅籌畫從茲正羽翰歸來權可取九萬一朝搏

送單二判官

大曆元年公在夔州時單二歸長安故送
 之

先皇弓劍遠小臣餘此生蹉跎病江漢不復謁承明
 餞爾白頭日永懷丹鳳城遲遲戀屈宋渺渺臥荆衡
 竟斷航舸失天寒沙水清肺肝若稍愈亦上赤霄行

重送劉十弟判官

分源豈常派別浦鴈賓秋年事推兄忝人才覺弟優

木言分數 卷之三
經過辨豐劍意氣逐吳鉤垂翅徒衰老先鞭不滯留
本枝凌歲晚高義豁窮愁他日臨江待長沙舊驛樓
暮冬送蘇四郎後兵曹適桂州

兵曹司隸校尉屬官有兵曹從事桂州今
廣西桂林府大曆四年十二月桂州人朱
濟及容管經畧王翊敗之此詩當是時作
飄飄蘇李于六印佩何遲早作諸侯客兼工古體詩
爾賢埋照久余病長年悲盧綰須征日樓蘭要斬時
歲陽初盛動王化又磷緇爲人蒼梧廟看雲哭九疑
冬晚送長卿漸舍人歸州

長卿漸人姓名歸州疑歸其故鄉之州也
大曆二年冬晚公在潭州時吐蕃寇邠州
京師戒嚴此詩必是其時作

叅卿休坐幄蕩子不歸鄉南客瀟湘外西戎鄠杜傍
衰年傾盖晚費日繫舟長會向思來札銷魂逐去檣
雲晴鷗更舞風逆鴈無行匣裏雌雄劍吹毛任選將
夏夜李尚書筵送宇文石首赴縣聯句

李尚書名之芳宇文名或尚書之甥石首
縣屬江陵時公居江陵當是大曆三年

愛客尚書重之官宅相賢杜酒香傾座側帆影駐江

邊李翟表郎官瑞鳧看令宰仙宇文雨稀雲葉斷夜

久燭花偏杜數語欹紗帽高文織綵牋李興饒行處

樂離情醉中眠宇文單父長多暇河陽實少年杜客

居逢自出為別幾凄然李

與嚴二歸奉禮別

唐制太常寺奉禮二人掌朝會祭祀君臣

版位之禮

別君誰暖眼將老病纏身出涕同斜日臨風看去塵

尚歌還入夜巴俗自為隣尚愧微軀在遙聞盛禮新

山東羣盜散闕下受降頻諸將歸應盡題詩報旅人

七言古

送別類

送孔巢父謝病歸遊江東兼呈李白

巢父字弱翁冀州人少與李白韓準裴政

張叔明陶沔隱於徂徠山號竹溪六逸永

王璘赴江淮聞其賢以從事辟之巢父察

其必敗側身潛遁由是知名

巢父掉頭不肯任東將入海隨烟霧詩卷長留天地

間釣竿欲拂珊瑚樹深山大澤龍蛇遠春寒野陰風

景暮蓬萊織女回雲車指點虛無引歸路自是君身

有僊骨世人那得知其故惜君只欲苦死留富貴何
如草頭露蔡侯靜者意有餘清夜置酒臨前除罷琴
惆悵月照席幾歲寄我空中書南尋禹穴見李白道
甫問信今何如

五言古

慶賀類

覽栢中丞兼子姪數人除官制詞因述父子
兄弟四美載歌絲綸

中丞乃栢貞節時爲夔州都督與栢茂林
兄弟也崔旰反茂林貞節同起兵討平之

故是詩美其一家功名之盛

紛然喪亂際見此忠孝門蜀中寇亦甚栢氏功彌存
深誠補王室戮力見元昆三止錦江沸獨清玉壘昏
高名入竹帛新渥照乾坤子弟先卒伍芝蘭壘璵璠
同心注師律灑血在戎軒絲綸實具載紱冕已殊恩
奉公舉骨肉誅叛經寒溫金甲雪猶凍朱旗塵不翻
每聞戰場說歛激懦氣奔聖王國多盜賢臣官則尊
方當節鉞用必絕稜沴根吾病日迴首雲臺誰再論
作歌挹盛事推轂期孤騫

奉賀陽城郡王太夫人恩命加鄧國太夫人

下排律附

公自註陽城郡王衛伯玉也按本傳廣德元年代宗幸陝以伯玉有幹畧乃拜荆南節度使尋封陽城郡王當是伯玉封時其母同受封矣此又加封之爾

衛慕銜恩重潘輿送喜頻濟時瞻上將錫號戴慈親
富貴當如此尊榮邁等倫郡依封土舊國與大名新
紫詰鸞回紙清朝燕賀人遠傳冬筭味更覺綠衣春
奕葉班姑史芬芳孟母隣義方兼有訓詞翰兩如神
委曲承顏體騫飛報主身可憐忠與孝雙美畫麒麟

秦州見勅目薛三璩授司議郎畢四曜除監察與二子有故遠喜遷官兼述索居二十韻
秦州今屬陝西鞏昌府璩曜二人名司議郎東宮屬官唐貞觀五年置四人精選名士以居之掌侍從規諫駁正啓奏并錄東宮記注監察御史分察百寮巡按州縣

大雅何寥濶斯文尚典刑交期余潦倒材力爾精靈
二子陞同日諸生困一經文章開窾奧遷擢潤朝廷
舊好何由展新詩更憶聽別來頭併白相見眼終青
伊昔貧皆甚同憂心不寧栖遑分半菽浩蕩逐流萍

俗態猶猜忌妖氛忽杳冥獨慚投漢閣俱議哭秦庭
還蜀祗無益囚梁亦固局華夷相混合宇宙一羶腥
帝力收三統天威總四溟舊都俄望幸清廟肅惟馨
雜種雖高壁長驅甚建瓴焚香淑景殿漲水望雲亭
法駕初還日群公若會星宮臣仍點染柱史正零丁
官忝趨棲鳳朝回嘆聚螢喚人看驟裏不嫁惜娉婷
掘劍知埋獄提刀見發硎侏儒應共飽漁父忌偏醒
旅泊窮清渭長吟望濁涇羽書還似急烽火未全停
師老資殘寇戎生及近坰忠臣辭憤激烈士涕飄零
上將盈邊鄙元勳溢鼎銘仰思調玉燭誰定握青萍
隴俗輕鸚鵡原情顛鵲鴿秋風動關塞高臥想儀形
承沈八丈東美除膳部員外阻雨未遂馳賀
奉寄此詩

東美八丈名膳部禮部營膳司也員外次
郎中一級並坐以論政者公自註府掾四
人同日拜郎

今日西京掾多除南省郎通家惟沈氏謁帝似馮唐
詩律羣公問儒門舊史長清秋便寓直列宿頓輝光
未暇申安慰含情空激揚司存何所比膳部默悽傷
貧賤人事畧經過霖潦妨禮同諸父長恩豈布永不忘

天路牽騏驥雲臺引棟梁徒懷貢公喜颺颺鬚毛蒼
傷悼類

八哀詩并序

大曆元年雲安作

傷時盜賊未息興起王公季公嘆舊懷賢終于張
相國八公前後存歿遂不詮次焉

贈司空王思禮

按本傳王思禮高麗國人少習戎旅隨節
度使王忠嗣至河西與哥舒翰同籍忠嗣
麾下翰爲隴右節度使思禮事翰授右衛
將軍從討九曲後期當斬翰釋之翰守潼

關思禮充元帥府馬軍都將嘗密語翰表
誅楊國忠又請以三千騎劫安祿山遂至
於敗思禮奔行在肅宗責其不堅守引至
纛下將斬之會宰相房琯在蜀奉太上皇
冊命至諫上以爲可收後效遂赦之尋副
房琯戰便橋不利更爲關內行營節度守
武功以控賊長安平思禮先入清宮收東
京戰數有功遷兵部尚書乾元初爲太原
尹北京畱守尋加司空上元二年薨贈太
尉謚武烈

司空出東夷童稚刷勁翮追隨燕薊兒穎脫物不隔
服事哥舒翰意無流沙磧未甚拔行間犬戎大克斤
短小精悍姿屹然強寇敵貫穿百萬衆出入由咫尺
馬鞍懸將首甲外控鳴鏑洗劍青海水刻銘天山石
九曲非外蕃其王轉深壁飛兔不近駕鷲鳥資遠擊
曉達兵家流飽聞春秋癖曾襟日沉靜肅肅自有適
潼關初潰散萬乘猶辟易偏裨無所施元帥見手格
太子入朔方至尊狩梁益胡馬纏伊洛中原氣甚逆
肅宗登寶位塞望勢敦迫公時徒步至請罪將厚責
際會清河公間道傳玉冊天子拜跪卑讜議果冰釋

翠華卷飛雪熊虎巨阡陌屯兵鳳凰山帳殿涇渭關
金城賊咽喉詔鎮雄所搯禁暴靖無雙爽氣春浙瀝
巷有從公歌野多青青麥及夫哭廟後復領太原役
恐懼祿位高悵望王土窄不得見清時嗚呼就窀穸
永繫五湖舟悲其田橫客千秋汾晉間事與雲水白
昔觀文苑傳豈述廉藺績嗟嗟鄧大夫士卒終倒戟
故司徒李公光弼

司徒戶部尚書也李光弼營州人嚴毅沉
果有大畧善騎射安祿山反郭子儀薦其
能授河東節度副使更授戶部尚書

司徒天寶末北收晉陽甲胡騎攻吾城愁寂意不愜
人安若泰山薊北斷右脅朔方氣乃蘇黎首見帝業
二宮愜西郊九廟起頽壓未散河陽卒思明僞臣妾
復自碣石來火焚乾坤獵高視笑祿山公又大獻捷
異王冊崇勳小敵信所怯擁兵鎮河汴千里初妥帖
青蠅紛營營風雨秋一葉內省未入朝死淚終映睫
大屋去高棟長城掃遺堞平生白羽扇零落蛟龍匣
雅望與英姿惻愴槐里接三軍晦光彩烈士痛稠疊
直筆在史臣將來洗箱篋吾思哭孤塚南紀阻歸楫
扶顛永蕭條未濟失利涉疲茶竟何人洒涕巴東峽

贈左僕射鄭國公嚴公武

嚴武華州華陰人挺之之子幼豪爽讀書
不甚求其義以陰調官累官殿中侍御史
從玄宗入蜀至德初赴肅宗行在房琯薦
爲給事中收長安拜京兆少尹坐瑄事貶
巴州刺史久之遷東川節度使上皇合劍
南爲一道擢武成都尹劍南節度使還拜
京兆尹爲二聖山陵橋道使封鄭國公遷
黃門侍郎復節度劍南破吐蕃於當狗城
遂復鹽川加檢校吏部尚書永泰元年薨

年四十贈尚書左僕射

鄭公瑚璉器華岳金天晶昔在童子日已聞老成名
嶷然大賢後復見秀骨清開口取將相小心事友生
問書百紙盡落筆四座驚歷職匪父任嫉邪常力爭
漢儀尚整肅胡騎忽縱橫飛傳自河隴逢人問公卿
不知萬乘出雪涕風悲鳴受詞劍閣道謁帝蕭關城
寂寞雲臺仗飄飄沙塞旌江山少使者笳鼓凝皇情
壯士血相視忠臣氣不平密論正觀體揮發岐陽征
感激動四極聯翩收二京西郊牛酒再原廟丹青明
匡汲俄寵辱衛霍竟哀榮四登會府地三掌華陽兵

京兆空柳邑尚書無履聲羣鳥自朝夕白馬休橫行
諸葛蜀人愛文翁儒化成公來雪山重公去雪山輕
記室得何遜韜鈴延子荆四郊失壁壘虛館開逢迎
堂上指圖畫軍中吹玉笙豈無成都酒憂國只細傾
時觀錦水釣問俗終相并意待犬戎滅人藏紅粟盈
以茲報主願庶或禪世程炯炯一心在沉沉二豎嬰
顏回竟短折賈誼徒忠貞飛旆出江漢孤舟轉荆衡
虛爲馬融笛悵望龍驤坐空餘老賓客身上媿簪纓

贈太子太師汝陽郡王璡

按史紀讓皇帝憲睿宗長子立爲皇太子

以玄宗有討平帝氏之功懇讓儲位後封
爲寧王薨謚讓皇帝其長子汝陽郡王璿
璿眉宇秀整性謹潔善射玄宗眷遇之歷
太僕卿加特進天寶九載卒贈太子太師
汝陽讓帝子眉宇真天人虬鬚似太宗色映塞外春
往者開元中主恩視遇頻出入獨非時禮異見羣臣
愛其謹潔極倍此骨肉親從容聽朝後或在風雪晨
忽思格猛獸苑囿騰清塵羽旗動若一萬馬蕭駉駉
詔王來射鴈拜命已挺身箭出飛鞚內上又回翠麟
翻然紫塞翻下拂明月輪胡人雖獲多天笑不爲新

王每中一物手自與金銀袖中諫獵書扣馬久上陳
竟無銜縻虞聖聰矧多仁官免供給費水有在藻鱗
匪唯帝老大皆是王忠勤晚年務置醴門引申白賓
道大容無能永懷侍芳茵好學尚貞烈義形必需巾
揮翰綺綉揚篇什若有神川廣不可泝墓久狐兔隣
宛彼漢中郡文雅見天倫何以開我悲泛舟俱遠津
溫溫昔風味少壯已書紳舊遊易磨滅衰謝多酸辛

贈秘書監江夏李公邕

按本傳李邕揚州江都縣人父名善註漢
文選行於世邕少知名旣冠見特進李嶠

自言讀書未遍願一見秘書嶠曰秘閣書
萬卷豈時日能習耶邕固請乃假直秘書
未幾辭去嶠試問驚嘆因薦之拜右拾遺
坐與張柬之善貶雷州未幾召還遷戶部
員外郎尋又貶崖州玄宗卽位召爲戶部
郎中爲姚崇所嫉左遷括州司馬起爲陳
州刺史玄宗東封回邕謁見於汴獻詞賦
稱旨頗自矜銜且云當居相位又素輕張
說爲說所惡會仇人發邕在陳州贓事抵
罪會赦免貶欽州後於嶺南從中官楊思

勗討賊有功轉括渭淄三州刺史上計京
師以久斥外不與士大夫接又後進不識
旣入朝阡陌聚觀以爲古人或傳其眉目
有異衣冠望風尋訪門巷又中使臨問索
所爲文章且進上以讒媚不得畱出爲北
海太守會左驍衛兵曹參軍柳勣有罪下
獄邕嘗遺勣馬吉溫令勣引邕嘗以休咎
相語陰行賂遺宰相李林甫因傳以罪詔
就郡杖殺之時年七十至代宗朝贈秘書
監

長嘯宇宙間高才日陵替古人不可見前輩復誰繼
憶昔李公存詞林有根柢聲華當健筆灑落富清製
風流散金石追琢山嶽銳情窮造化理學貫天人際
于謁走其門碑版照四裔各滿深望還森然起凡例
蕭蕭白楊路洞徹寶珠惠龍宮塔廟湧浩劫浮雲衛
宗儒俎豆事故吏去思計眇眇皆已虛跋涉曾不泥
向來映當時豈獨勸後世豐屋珊瑚鈎麒麟織成窻
紫驕隨劍几義取無虛歲分宅脫駮問感激懷未濟
衆歸調給美擺落多藏穢獨步四十年風聽九臯唳
嗚呼江夏姿竟掩宣尼袂往者武后朝引用多寵嬖

否臧太常議回折一張勢衰俗凜生風排蕩秋旻霽
忠貞負冤恨宮闕深旒綴放逐早聯翩低垂困炎癘
日斜鵬鳥入鬼斷蒼梧帝榮枯走不暇星駕無安稅
幾分漢廷竹夙擁文侯筆終悲洛陽獄事近小臣斃
禍階初負謗易力身何濟伊昔臨淄亭酒酣託未契
重叙東都別朝陰改軒砌論文倒崔蘇指盡流水逝
近伏盈川雄未甘特進麗是非張相國相扼一危脆
爭名古豈然鍵捷歛不閉例及吾家詩曠懷掃氛翳
慷慨嗣真作咨嗟玉山桂鐘律儼高懸鯤鯨噴迢遞
坡隨青州血蕪沒汶陽瘞哀贈竟蕭條恩波延揭厲

子孫在如綫舊客舟凝滯君臣尚論具將帥接燕薊
朗詠六公篇憂來豁蒙蔽

故秘書少監蘇公源明

按本傳蘇源明京兆武功縣人少孤寓居
徐交間工文詞有名天寶中及進士第更
試集賢院累遷太子諭德出爲東平太守
召爲國子司業祿山陷京師源明以病不
受僞署肅宗復兩京擢爲考功郎中知制
誥後以秘書少監卒

武功少也孤徒步客徐交讀書東岳中十載考墳典

時下萊蕪郭忍饑浮雲巘負米晚爲身每食臉必泣

夜字照蕪新垢衣生碧蘚庶以勤苦志報茲劬勞願

學蔚醇儒姿文包舊史善灑落辭幽人歸來潛京輦

射策君東堂宗匠集精選制可題未乾乙科已大闡

文章日自負椽吏亦累踐晨趨閭闔內足踏夙昔跣

一麾出守還黃屋朔風卷不暇陪八駿虜庭悲所遣

平生蒲樽酒斷此朋知展憂憤病二秋有恨石可轉

肅宗復社稷得無逆順辨范曄顧其兒李斯憶黃犬

秘書茂松意載從祠壇墀前後百卷文枕籍皆禁齋

篆刻揚雄流溟漲本末淺青熒芙蓉劒犀兕豈獨剗

反為後輩褻予實苦懷絢煌煌齋房芝事絕萬手塞
 垂之俟來者正始徵勸勉不要懸黃金胡為投乳贖
 結交三十載吾與誰遊行滎陽復冥冥罪苦以橫眉
 嗚呼子逝日始泰則終蹇長安米萬錢凋喪盡餘喘
 戰伐何當解歸帆阻清沔尚纏漳水疾永負高里餞
 故著作郎貶台州司戶滎陽鄭公虔

鄭虔鄭州滎陽人天寶初為協律郎著書
 八十餘篇有窺其稿者上書言其私撰國
 史虔倉黃焚之坐謫十年還京師玄宗愛
 其才為置廣文館以虔為博士善圖山水
 好書嘗自寫其詩并畫以獻帝大署其尾
 曰鄭虔三絕遷著作郎安祿山反劫百官
 置東都偽授虔為水部郎中因稱風緩求
 攝市令潛以密章達靈武賊平免死貶為
 台州司戶叅軍在州數年卒

鷄鷓至魯門不識鐘鼓響孔翠望赤霄愁思雕籠養
 滎陽冠眾儒早聞名公賞地崇士大夫况乃氣清爽
 天然生知姿學立游夏上神農或闕漏黃石愧師長
 藥纂西極名兵流指諸掌貫穿無遺恨蒼最何技癢
 圭臬星經奧蟲篆丹青廣子雲窺未遍方朔諧大枉

神翰顧不一體變鍾兼兩文傳天下口大字猶在榜
昔獻書畫圖新詩亦俱往滄州動玉陛寡鶴誤一響
三絕自御題四方尤所仰嗜酒益踈放彈琴視天壤
形骸實土木親近唯几杖未曾寄官曹突兀倚書幌
晚就芸香閣胡塵昏缺莽反覆歸聖朝點染無滌盪
老蒙台州掾泛泛浙江槩履穿四明雪饑拾楸溪橡
空聞紫芝歌不見杏壇丈天長眺東南秋色餘颺颺
別離慘至今斑白徒懷曩春深泰山秀葉墜清渭朗
劇談王侯門野稅林下鞅操紙終夕酣時物集遐想
詞場竟踈濶平昔濫吹獎百年見存沒牢落吾安放

蕭條阮咸在出處同世網他日訪江樓含悽迷飄蕩

故右僕射相國張公九齡

九齡韶州曲江人擢進士拜校書郎玄宗

卽位遷左補闕爲中書舍人出爲冀州刺

史復召爲秘書少監集賢學士遷工部侍

郎知制誥復遷中書侍郎以母喪辭未幾

奪哀拜中書侍郎同中書門下平章事遷

中書令以文雅爲上所知右相李林甫忌

之遂爲所危以尚書右丞相罷政事九齡

嘗薦周子諒爲監察御史坐舉非其人左

遷荊州長史久之封始興縣伯請還展墓
遇病卒贈荊州大都督謚文獻

相國生南紀金璞無畱礦仙鶴下人間獨立霜毛整
矯然江海思復與雲路永寂寞想土堦未遑等箕穎
上君白玉堂倚君金華省碣石歲崢嶸天地日蛙黷
退食吟大庭何心記榛梗骨驚畏曩哲鬢髮負人境
雖蒙換蟬冠右地慙多幸敢忘二疏歸痛迫蘇耽井
紫綬映暮年荊州謝所領庾公興不淺黃霸鎮每靜
賓客引調同諷詠在務屏詩罷地有餘篇終語清省
一陽發陰管淑氣舍公鼎乃知君子心用才文章境

散帙起翠螭倚薄巫廬並綺麗玄暉擁歲誅任昉騁
自成一家則未闕隻字警千秋滄海南名繫朱鳥影
歸老守故林戀闕悄延頸波濤良史筆蕪絕大庾嶺
向時禮數隔制作難上請再讀徐孺碑猶思理煙艇

哭李之芳尚書

下排律附

之芳唐宗室蔣王輝之孫也安祿山奏爲
范陽司馬祿山反歸京師廣德二年兼御
史大夫奉使吐蕃被畱二年乃得歸拜禮
部尚書改太子賓客薨于荊州

漳濱與蒿里逝水竟同年欲掛畱徐劍猶迴憶戴船

相知成白首此別間黃泉風雨嗟何及江湖滄泫然
脩文將管輅奉使失張騫史閣行人在詩家秀句傳
客亭鞍馬絕旅櫬網蟲懸復塊昭丘遠歸魂素滄偏
樵蘇封葬地喉舌罷朝天秋色凋春草王孫若箇邊
送盧十四弟侍御護肅尚書靈櫬歸上都二

十四韻

公之祖母盧氏侍御卽表弟也曾爲肅尚
書屬官尚書名之晉

素幕渡江遠朱幡登陸微悲鳴駟馬顧失涕萬人揮
叅佐哭辭畢門闌誰送歸從公伏事父之子俊才稀

長路更執紼此心猶倒衣感恩義不小懷舊禮無違
墓待龍驤詔臺迎獬豸威深哀見士則雅論在兵機
戎狄乘妖氣塵沙落禁闈姓年朝謁斷他日掃除非
但促銅壺箭休添玉帳旂動詢黃閣老肯慮白登圍
萬姓瘡痍合羣兇嗜慾肥刺規多諫諍端拱自光輝
儉約前王體風流後代希對歎期特達衰朽再芳菲
空裏愁書字山中疾採薇撥盃要忽罷抱被宿何依
眼冷看征蓋兒扶立釣磯清霜洞庭葉故就別時飛
哭肅大夫之晉

大曆二年公有送肅中丞之晉赴鎮湖南

未幾死於鎮所

悽愴郇瑕邑差池弱冠年
士人叨禮數文律早周旋
臺閣黃圖裏簪裾紫蓋邊
尊榮真不忝端雅獨翛然
貢喜音容間馮招疾病纏
南過駭蒼卒北思悄聯綿
鵬鳥長沙諱犀牛蜀郡憐
素車猶慟哭寶劍欲高懸
漢道中興盛常經亞相傳
冲融標世業磊落映時賢
城府深朱夏江湖眇霽天
綺樓關樹頂飛旒泛堂前
帟幕疑風燕茄簫急暮蟬
興殘虛白室跡斷孝廉船
童孺交游盡喧卑俗事牽
老來多涕淚情在強詩篇
誰繼方隅理朝難將帥權
春秋褒貶例名器重雙全

哭王彭州掄

執友驚淪沒斯人已寂寥
新文生沈謝異骨降松喬
北部初高選東堂早見招
蛟龍纏倚劍鸞鳳夾吹簫
歷職漢庭久中年胡馬驕
兵戈聞兩觀寵辱事三朝
蜀路江干窄彭門地理遙
解龜生碧草諫獵阻清霄
頃得戎麾出叨陪幕府要
將軍臨氣候壯士塞風飈
井渫泉誰汲烽疎火不燒
前籌多自暇隱几接終朝
翠石俄雙表寒松竟後彫
贈詩焉敢墜染翰欲無聊
再哭經過罷離魂去住銷
之官方玉折寄葬與萍漂
曠望渥洼道霏微河漢橋
夫人先卽世令子各清標

巫峽長雲雨秦城近斗杓馮唐毛髮白歸興日蕭蕭
奉漢中王手札報常侍御蕭尊師亡

常蕭皆公故人同時而亡故王手札與公
使遍報峽中也時公遷居夔州

秋日蕭蕭逝淮王報峽中少年疑柱史多術怪仙公
不但時人惜祗應吾道窮一哀侵疾病相識自兒童
處處隣家笛飄飄客子蓬強吟懷舊賦已作白頭翁
哭台州鄭司戶蘇少監

故舊誰隣我平生鄭與蘇存亡不重見喪亂獨前途
豪俊人誰在文章掃地無羈遊萬里潤凶問一年俱

白日中原上清秋大海隅夜臺當北斗泉路著東吳
得罪台州去時危棄碩儒移官蓬閣後穀貴歿潛夫
流慟嗟何及銜冤有是夫道消詩發興心息酒爲徒
許與才雖簿追隨跡未拘班揚名甚盛嵇阮逸相須
會取君臣合寧詮品命殊賢良不必展廊廟偶然趨
勝決風塵際功名造化鑪從容詢舊學慘淡閱陰符
擺落嫌疑久哀傷志力輸俗依綿谷異客對雪山孤
童稚思諸子交情列友于情乖清酒送望絕撫墳呼
瘡病餐巴水瘡痍老蜀都飄零迷哭處天地日榛蕪

雜賦類

課伐木 并序

課隸人伯夷辛秀信行等入谷斬陰木人日四根
 止維條伊枚正直挺然晨征暮返委積庭內我有
 藩籬是缺是補載伐條簞伊仗支持則旅次於小
 安山有虎知禁若恃爪牙之利昏黑塘突夔人屋
 壁列樹白荀鏹為墻實以竹示式遏為與虎近混
 淪乎無良賓客憂害馬之徒苟活為幸可嘿息已
 作詩示宗武誦

長夏無所為客居課奴僕清晨飯其腹持斧入白谷
 青冥層巔後十里斬陰木人肩四根已亭午下山麓

尚聞丁丁聲功課日各足蒼皮見委積素節相照燭
 霜汝跨小籍當仗苦虛竹空荒咆熊羆乳獸待人肉
 不示知禁情豈唯干戈哭城中賢府王處貴如白屋
 蕭蕭理體淨蜂蠆不敢毒虎穴連里閭隄防舊風俗
 泊舟滄江岸久客慎所觸舍西崖嶠壯雷雨蔚舍蓄
 墻宇資屢脩衰年怯幽獨爾曹輕執熱為我忍煩促
 秋光近青岑季月當泛菊報之以微寒共給酒一斛

上後園山脚

朱夏熱所嬰清旦步北林小園背高岡挽葛上崎峯
 曠望延駐目飄颻散疏襟潛鱗恨水壯去翼依雲深

勿謂地無疆劣於山有陰石椽遍天下水陸兼浮沉
自我登隴首十年經碧岑劔門來巫峽薄倚浩至今
故園暗戎馬骨肉失追尋時也無消息老去多歸心
志士惜白日久客藉黃金敢爲蘇門嘯庶作梁父吟

又上後園山脚

大曆二年秋作

昔我遊山東憶戲東岳陽窮秋立日觀矯首望八荒
朱崖著毫髮碧海吹衣裳蓐收困用事玄冥蔚強梁
逝水自朝宗鎮石各其方平原獨憔悴農力費耕桑
非關風露凋曾是戍役傷於是國用富足以守邊疆

朝廷任猛將遠奪戎虜場到今事反覆故老淚萬行
龜蒙不可見况乃懷故鄉肺萎屬久戰骨出熱中梁
憂來杖匣劔更上林北岡瘴毒猿鳥落峽乾南日黃
秋風亦已起江漢始如湯登高欲有往蕩析川無腸
哀彼遠征人去家死路傍不及父祖塋纍纍塚相當
信行遠脩水筒

水筒引泉筒也信行卽隸人

汝性不茹葷清淨僕夫內秉心識本源於事少滯礙
雲端水筒坼林表山石碎觸熱藉子脩通流與厨會
往來四十里荒險崖谷大日曛驚未餐貌赤愧相對

浮瓜供老病裂餅常所愛於斯答恭謹足以殊殿最
詎要方士符何假將軍蓋行諸直如筆用意崎嶇外
火

公自註楚俗大旱則焚山擊鼓有合神農
書大曆元年在夔州作

楚山經月火大旱則斯舉舊俗燒蛟龍驚惶致雷雨
爆軟魑魅泣崩凍嵐陰妒羅落涕百泓根源皆萬古
青林一灰燼雲氣無處所入夜珠赫然新秋照牛女
風吹巨焰作河掉騰煙柱勢欲焚崑崙光彌燠洲渚
腥至焦長蛇聲吼纏猛虎神物已高飛不見石與土

爾寧要謗譴憑此近熒侮薄關長吏憂甚昧至精王
遠遷誰撲滅將恐及環堵流汗卧江亭更深氣如縷

三韻三篇

高馬勿唾面長魚無損鱗辱馬馬毛焦困魚魚有神
君看磊落士不肯易其身

蕩蕩萬斛船影若搖白虹起檣必椎牛掛席集眾功
自非風動天莫置大水中

烈士惡多門小人自同調名利苟可取殺身傍權要
何當官曹清爾輩堪一笑

杜詩分類卷之三終



國

住持人須知

...

